

古今游名山記

古今游名山記卷之十一下

括蒼何鏗振

廬陵吳炳用

武功山

江西諸山泉附

宋李康武功山記安成以仙名山者有浮山之魏洞陽之黃清化之胡武功之葛皆著於書經而莫盛於武功或曰大江西南三巨鎮衡廬武功也武功以僻遠不見經傳不得與衡廬並顯然究竟脊脉則實首衡尾廬而屹然高聳雄據荆吳之間謂之三巨鎮亦宜其最尊白鶴峯白鶴仙人所止望之隱隱中天雲雨皆在其下東南則空同諸山西北則長沙之水一髮空際蒼茫無極峯頂有崖豁呀洞嵌可容數百人或窺觸之則震雷隨至岩之下奇石萬狀石牀丹室列莫雜峙乳香靈藥雪竹龍草黃精仙茅居人皆扳援梯繫以入然不可褻蓋龍湫風穴環衛出沒晦明變化在倏歛頃菴址舊曰小桃源前有金燈塔生成石剎七成稍上爲棋盤石又上有元煉丹竈或曰爐底尚存也後有大小箕峯

峯隱約仙翁大士像有石若盤三伏有水則其歲不旱側有投簾簡者從之若授受然使得如孫興公蘇子瞻一過從之獨不與天台羅浮並邪其隸篆者有石筌匡洲崖亦奇勝水西出爲盧下六十里爲秀江

明倫彙編

歲庚子三月旣望予絕江而北將取道武山明日與

客過金華紫霄宮乃徑脊龍取道田陌間望山之東南以趨延緣通登陂陀稠疊林廻谷轉雲豁天朗而是山已屹然吾前矣少進緣田脊蟻行蛇趨偃僂踰躋仰見其上若有土垣者此古所謂下寨也其下爲龍王洞洞之左踰垣以躋叢薄間乃追道雞冠石山西華門入佑仙觀浮丘王郭三仙廣庭敞虛連岡石翼大江橫陳境勢宏曠可確觀後有鉅松數百株北行數百步其地平行爲白雲菴廢址宛然其前爲東園或言中有仙人迹石有棋盤石皆叢棘蒙密不可見道左高阜下卽古臨溪寺故址有方石修直尋丈偃閣山半曰衣籠石石左復有巨石中剖三之一若截肪然離而不仆曰試劔石循嶺稍北有石室爲北溪巖穴嵌空有泉溜濺注其中可容數十人有古石像若大士者故又名觀音

岩或傳古陶皮二仙人修煉之所也出岩左數步仰觀片石銳若櫛牙側出崖表曰禮斗石路極陡又陰杳汎如前人仰面不得上後人側足不能退有小道童引客似魚貫然既登稍躡石上俯臨不測足踳踳戰掉不敢注視云禱旱者夜篝燈拜其上望斗間有光輒下山則雨隨至矣又循山陰上陟絕頂曰武婆岡世傳爲武姥飛昇之所山庵間爲仰天湖又折西行兩山間將過梵雲菴見傍有鑿石除地叮叮者云昔人避亂所居以亂石壘其邊所謂上寨者是也又稍出山坳有石甃方窟泉渚其中曰陶皮丹井雨旱不加盈縮飲之甘冽可以已疾旁疏小溝循山勢以逶注于梵雲菴之厨菴面勢幽阻負輿挹深群峯犬牙若環壁壘舊有板刻宋張汝賢及劉敏求詩前有山茶古梅二株每春冬時霞披雪皦縹緗山谷人疑其仙境云循菴右數十步出風門口爲西岩皆石壁險絕不可登降草間有石虎石龜鼉鼉踞踞之狀日旣暮將過雲峯不果乃復經仰天湖由東南下崇阪返于佑仙有獻山菌者大如斗白如雪輪囷肥脆煮食之甘甚夜半就寢晨起出西華門而右將過

雲峯出瞰龍洞路經一大石若石梁然甚險滑與數客分路下釣臺石
望真珠泉並釣臺以西上山平雲峯寺後有石徑縈迴數百步可旁
通而入楓柯株櫟交雜羅蔭下亂石壘磴如魚鱗時見紅葉間錯如綉
僧出揖客拾級先登至一小亭欄檻間泉錚錚金玉聲北踣層閣觀流
泉或陶甃爲螭吻置山半引泉出吻中承以剡竹入池中潛行出亭在
注焉瀦爲兩窪高下殊區飲濯異需有小魚藏藏時出石間其亭間深
靚極可游息經絡參布因地勢爲向背右折南爲正殿廊左有宋景定
間重修寺碑寺建於唐延和間有曉了禪師能伏虎者嘗駐錫而去循
廊出山門坐覽平曠見贛水紆折若擲練而下金涵玉映光入庭宇其
外則萬安焦原與州西東浪川諸峰青山天際邈若一髮而牛乳粵臺
層岡鉅石踰伏如兕觥弄烟濤控帶洲渚風帆雲鳥景態畢陳其高聳
宏曠如佑仙而又過之余久坐不能去乃復出山門折而左上山後獅
子峰觀補陀巖巖石特立數丈嵌頂而峭趾有方石橫壓其上爲石鼓
或名爲飛來石石前爲觀音閣故基其陰皆巨石聯絡相亞稍東數十

步有崖壁峭立前可憩三四人曰屏風石嘗夜半崩墜山下如轉雷聲
聞數里今猶震閣地上以若陶穴又並崖而東得石洞爲出水巖巖左
石泐而虛有泉涓然滲于地中不見其出蓋泉源馳補陀後西度嶺脊
上虎鼻峯峯頂有黑石百千叢植其上鋒芒嶄然若卓巨筆蓋是山西
南之最高而秀絕者乃由峯北循故道過西華下筆岩望南溪以歸至
山半過高明壇躋石徑而入屋數楹極清整藤蔓翳蔚深不見人出壇
下又數百步有宮伏于地中云有石房名十八間始循一門而入甚狹
其廻曲次第廣狹不等土人常持火絙索而入云每間各有窓穴上透
天光見石床具在然人不能常至也又西北過天寶壇下臨溪寺休焉
武山爲泰和之望其高可六七里其趾環三十餘里
扶輿清淑之氣磅礴鬱積乃蜿蜒東走爲金華諸山始降爲平地寬厚
衍迤幾二十里而縣治在焉自縣城西北望之如龍潭虎蹲方者如屏
面者如宸其隆然而起者如高人正士端冕而立於朝環縣諸山無有
也其中勝景十有四前代諸賢皆游覽而歌咏之矣先四五年予以外

艱歸館於南溪蕭氏往來食息無不見山者屢欲往游不果永樂二十
年將之京會御史彭君百鍊及其姪士揚皆欲乘閒一游邑中人士素
願游而未得者聞之皆奮欲往時九月七日也詰旦平蓐食從百鍊士
揚跨馬出門冒大霧以往出西郭舊城逶迤行田疇間霧氣旣斂衣髮
如沐回視東方日已出數丈諸山在前襟奔滿目紅如丹渥碧如凝黛
日光照映爛然綺錯引領望之蓋身後而心先往矣及金華皆騎而登
涉荒草披蕪薄登天柱岡岡勢雄拔秀整循左山而下及山麓香壠良
久二君從山脊下乃蔭長松藉茂草取酒而酌之酒三行望見同游者
諸君騎者步者載酒殺者凡三十餘人如蟻附魚貫出沒隱見林間予
三人因不復騎從石坳循山半度荒崦至武山之麓上數百步勢頗斗
絕予乃下馬攝衣先登諸君繼之攀陟至佑仙觀門外而道士迎肅導
入殿上謁浮丘王郭三仙觀壁上劉棻翁所畫竹予先祖竹亭徵君國
子學錄蕭子所題詩具在殿前墻下有大石二根據地中南北相距如
虎突怒欲相搏然者退坐其上乃循簷過集仙樓下側出觀東松樹

間各就蔭班荆雜坐同游寂少者取酒殷進進出觀門稍西去二百餘步大石側立道傍若偃半甕高廣可尋丈曰此南岩石也由草徑低出崖下高四五丈土正白泉伏出草莽間散灑而下浮水面纒纒然明瑩如隋侯夜光久之乃滅曰此真珠泉也又下百步爲龍王洞相傳有龍蜃焉視之杳然深黑水汨汨鳴石間下灌稻田冬夏不竭復循故道西行至雲峯寺故址寺始建於唐重修於宋殿堂門廡因山勢爲高卑煥然華盛而今廢矣寺後崖上巨石竦立幾百尺有片石偃覆其顛道人曰此飛來石也以足撼之有聲如鼓復攀緣而上折而南登虎鼻峯巨石嶄嶄相倚蓋自下望之如圭植笋立屹然在天半及臨其上亦不見其峻絕也自虎鼻峯北旋至武婆岡下西向有石甃深數尺蓋陶皮二仙煉丹井也舊云天欲雨有龜出游井中今水竭矣又西下爲梵雲庵庵廢獨孤塔尚存最西爲風門石是爲西岩勢險絕難涉降且穴虎因不復往升武婆岡遇峻處輒相推挽至其頂皆黃茆弱條四望清明凡數百里村落竹樹烟景雲物皆在鳥履下縣南境諸大山隱然如一塊

賴江西來繞縣前東下而縣東諸小山相掩蔽不復見其去縣城內外
官署民居浮屠老子之宮櫛比鱗次皆可指數因相與嘆曰真壯哉縣
也岡之北有石橫出崖上八九尺闊不踰尋仞其下嵌空峭拔數百丈
不可注視使人心目眩掉道人曰此陶皮禮斗石也稍下百步有二仙
石室禱祈者常至其處予憚不往遂東下觀望陽石石高丈餘正東向
相傳陶皮二仙昔修煉於此每旦坐其上視日景行吐納之術故成仙
飛去然不知其果否也頃之同游尋石室者告予曰石室中寬可坐三
十人此有蛇行小徑可往保無他予終憚不能往是日迫暮皆以事不
可留稍稍引去矣

宋趙鼎同遊武功山記其山自萍鄉諸山蜿蜒而來特起爲二峯曰盧曰
蕭武功當二峯之間二峯高聳而員銳武功博大而頂平號爲三奇然
二峯之水皆出其麓蕭水南流入于洞庭盧水東流滙爲彭蠡此吳楚
所由分也獨武功之水出于其顛瀆激瀑瀑出池面如芙蓉聞人語則
愈出池旁有石曰仙人迹相傳爲葛仙煉丹池云

嘉靖己亥秋予謀武功之遊或謂宜浮輕舟乃九月丁酉發棹霽景宜人遡數十里林木蔚然一登樂度山寺又數十里爲紫石潭兩岸青山宛有越中風致日曛泊徐潭石巉巖處見殘霞映樹新月眉生矣戊戌移數里灘鳴漸急索杖履舍舟而去亭午憩龍雲出望梅溪諸峯奇絕留人暮宿山庄禾黍豐年再誦延秋之句己亥山中人導行路多嶮巇或微諷曰一失脚時千古笑聽者瞿然沿溪而折過月家山盤石碧潭潺湲可弄隔岸花竹蒙茸聞雞犬聲戀戀不喜去瞑至山口宿竹林深處夜中聽流泉不寐庚子日初紅卽往可五里曰南平衆山迴合平曠一區茅屋三兩家相呼可聞溪中石齒度以板橋叩草扉一老人出衣短布犢鼻裈自言獨栖者五十年且曰吾不鮮多言但在此耳蓋自指渠胷中云自是石路登登斗折而升出沒雲蘿幽芳襲人忽鍾磬出白雲間指箇坪殿閣矣道人迂迎仙橋菴前二杏樹大可蔽牛樹下敗礎殘鍾字漫滅不辨遂徑入山閣曰無塵樓宿焉老者夜携杖出葛仙公傳於燈下盡讀之其丹成目頌有云流珠流珠役

我形軀奔馳四海歷覽群書披尋不悟惟思如愚真人度人要大丈夫
乃至此三復焉曰嗟乎雖以二氏之雄亦豈不曰惟大丈夫能耳

明倫彙編

武功山距安福縣西百二十里郡志云盤根八百

里在廬蕭二山之間爲江西南鉅鎮晉有武氏者夫婦各擇棲鍊所夫
居茲山婦止西昌之武岡同日賓仙故人稱茲山爲武公而呼武岡爲
武姥云梁侯景之亂陳武帝入援楚人歐陽頔赴義武仙獻夢助順帝
卽位後遣人贗香帛報功因改名武功山葛仙公於此修鍊著靈異文
華齋來祺子文山生有紫雲之祥及入相大書葛仙壇三字以昭靈貺
歲癸卯秋七月侍家叔厚村登謁自秀江浮舟至龍雲寺宿焉明發並
山行至楓木凹卽武功東界也迤至北斗七星岡峭徑紆折高下循溪
往水瀉瀉激石鳴抵平湛靜迄下行有所觸輒復作響水如人有語黑
時所觀歷千岩萬壑或峻竇入雲如筆筍攢或壁嶂排傾如植碑倚
屏或倒崖如人作磬折狀或傑竦如弁冕執圭爲敬者又如龍鳳軒舉
如虎豹蹊且踞如飛走器物靡所殫述又時出一奇石卽丹青不能施

白山麓行叢林蒙翳瀑布鳴鳥在上自山半行空翠濕衣泉瀑鳥聲皆歸履舄下時有偃樹橫澗以濟人而根葉具存時有石枕流如天生橋方竹龍草仙茅靈藥所在有之野鹿逐人行猿猴掛樹跳躍恬不驚避自楓木凹四十五灣約十五里許至迎仙橋橋北爲嵒坪菴一名小樅源有二杏樹逼簷對峙各大丈餘東花西實至明年花實易向矣此植物所無也山有五菴箕峯在嵒坪南集雲行宮二菴在嵒坪東北其西則九龍也因所通道置以懋謁者又十五里至葛仙壇而張許二仙翼列者不知其由也謁者以壇爲頂聞白鶴峯猶高雲雨皆出其下白鶴仙居之顧未歷耳宋趙儀可記云盧蕭之水各出其麓蕭水南入洞庭盧水東匯彭蠡審然則以秀江爲盧水者非也武功水獨源其顛源渾噴沫如芙渠發榮聞人語則愈益溢出其爲行者所循溪皆其委也相傳爲葛仙煉丹池或以池旁有石白而此則無丹水不違而赴穢尚在幽墟今爲箭竹所翳或其然乎西北有雷壠豁洞嵌可容數百人路險絕遊者必絙掖而升然人或褻之卽迅霆霹靂故名雷崖上有數十

洞恍惚有人居其中可望而不可卽。蓋爲葛仙藏書處。又其阻有齊雲山。山有寺。徑亦遊。惟獵者時入焉。荒基敗礎。平時帶溪沃田數千畝。溝塍宛然。皆柞栳充布。亦避亂全生之區也。山木填壑。千霄其大蔽。牛至頂。則童以厲風。不育故茨壇以鐵瓦。可耐霜雪。風薄雲至。烈烈鼓怒。如廣陵八月潮。雲自下起。瀾漫山谷。際天一色。浩如望洋。人在頂上。猶居海島中。風驅雲砮入岩洞。如百川之投鉅壑。及其風霽也。蓬勃徐出。則又如萬竈烟浮也。雲之滄湧。時各依岩巘。林木肖像萬類。隨所命而合。真奇境也。他山安得有之乎。因以袖內雲扁行數十步。開而窺之。雲片片出袖。如向之出入岩洞。衆皆躍然。又一小奇也。登壇時。邀夷家叔曰。今日乃可攬結牛眠矣。忽風霧淖作。更衣禮神畢。小坐壇中。見一徑間之知爲攸縣。所從入。獨起行不覺至一高處。見其下白日朗照。景象歷歷在目。回顧壇間猶暄。乃心掉而還。至一平坡如掌。寬數畝。三台降勢。意此可改卜仙壇。家叔昧余所向。欲遣追而余適至。爲道所見。喜從余往觀。至則白日復沉矣。乃自悔其言之失也。俱從霧中返過三台下。余

獨後竊祝之幸得周覽已風次第掃三面開仙界奇勝盡荷收挹衡山
開雲奚一僥於寡德及趨至歸郡猶蒙鬱如故山之奇秀得於聞見者
彌多以未盡請不及叙叙其大者耳憶昔有客駐箕峯以研墨淹勞道
童將題壁一日道士出童告客客怒潑墨浣壁去道士還童告之故令
濯壁見一詩自稱雲外子字奇怪音調如白玉蟾此公故作狡獪事也
山川幽與神穴仙府瑰恠昭靈非一朝夕也惜不宅於通都上京不大
顯章於時然雁蕩齊雲其發有待矣

題經山乃四月朔余第坐以余嘗遊武山而未獲偕也與永
豐劉天池冒風雨登山既抵西華之佑仙觀則馳書南溪邀余與前同
游者俱來會暨抵山中雨三日如霧不能出四日雨止始與客下山過
蕭神氏見郭君與恭君尚友好奇士也欣然謂余曰諸君之游武山也
軼矣有湖山者唐武德中浮屠氏四祖某禪師嘗居之夜聞山下有聲
如湖故名其泉石又奇衆欣然願往晨出鼓樓岡下經羅墓卽誌所謂
甘羅墓者然無所於考進登梅塘寨出梅將軍廟下經山塘口望高峯

寒遙見數峯入雲翳然有深窈狀然遠而莫之卽也遵廣途出石獅岩下抵石逕登喜步嶺回眺隔江三派諸峯皆秀拔如筍下臨奔湍莫可褻玩晚退飲溪南郭家庄暮抵白竹岩下休焉明日將往潮山適郭君與仲爲催科者所尼余第復以疾作先返余獨從舉正及謝山人僧詠師與天池凡五人者往焉出小橋過泰清塘觀石上人馬迹次石塘是夜留宿圳南田家隣有王老翁者嘗往來潮山間請先導焉明日過岡頭行田陌間北望山頂有奇石數尺纍纍若人馬狀入灌坑有羅氏者同居九世矣余望其居加肅焉由灌坑將入山聞山左有趙家墓余亟紆路先往度平岡半里許見有雙石柱方跌而觚表高可七八尺相傾倚蔓草間上刻勅賜旌忠廟神六大字其下字漫滅不可辨山之窪有土墓焉意先宋皇族所塋前入山徑有石嶺穹然左轉而壁立其右有方石若屏風然余由左峯之麓緣微徑側行數百步忽平陸中開溪水交注問之則云昔四祖聞山下有聲如潮而上謂之潮山此其山口也乃循溪流稍折而北其西岸諸峰皆石骨疑黑如積鐵斷而復連其圓

而延曲者爲如意岩竦而虛嵌者爲通天岩岩中剝爲小洞可容一人坐其頂中漚而下墮有泉上出若撒萬珠濺岩腹而下鋒鋒有聲又轉爲圓峯高踰百尋石乳鱗綴若懸鍾焉傍出石筍高與峯等若擘而欲離者下有石室設四祖像其中俗傳岩畔有手植松今不存矣其東岸諸峯多土而少石水潏潏逕其趾其圓者爲猪頭蹲而踞者又若虎與狻猊兩厓之間皆平田沃壤山近人往往冒僧籍耕之遙見北向林木合沓幽巖不可近但覺溪益深山益密橋絕路窮不見人迹叢篁蔓棘遮蔽厓浹微聞水聲藏藏在其下余躡石攀緣上出叢薄忽得山門翼然循階以入見殿堂廢址皆瓦礫漫覆前有石壁浮屠相傳爲唐則天時舍利塔方趾而七成有古藤冒絡其上又入爲法堂土像三五皆傾仆骨立無復倫次有鍾縣木簾間視其識文乃宋淳化五年所鑄其寺則云潮山寶肇舍利護國禪寺時潮山尚隸龍泉之和蜀鄉不知何時又并入西昌也寺後絕頂有觀音石其中峯高且圓者名大佛座其西有小峯秀出頂上夷者名小佛座舊傳岩下有石穴日出塩少許僅足

充供無有餘者或訝其少加鑿之鹽遂不復出寺右有小逕可通後山
然去之益遠日晏不能復進矣谷迴林轉時聞啼鳥與伐木聲相應白
雲中不知遠近惟見山花野芳高者結雲下者彌谷蔚蔚芊芊雪縞翠
紛映束峯連袂旋壁拱外箇中深烟霞糾錯疑非人所居也余與諸客
盤桓不忍去者蓋久之因念世亂十年餘而深山古剎亦廢壞如此况
囿於都邑城郭之近且盛者乎乃沿溪而出煮茶於如意岩下田父家
循石嶺至山口得故路焉東過刀塘訪靈岩寺寺毀僧結茅築土散處
其傍岩壁森立門左有古木根蟠石上如絡其陰有暖婆泉出焉抵暮
仍宿川南田家

宋黃庭堅

次韻周元

後予裝時上七祖山極愛其山

川故爲予友元翁作此詩又出上方之南得古釣臺嘉遯世不見其光

輝者元翁亦請予賦詩詩曰避世一丘整似漁非鯢漁獨尋嘉橘頌不
遺予公書荀蔚林塘晚絲繡歲月除安知冶容子紅袖泣前魚元翁曰
青原遺跡但有顏公大字當并刻此二詩使來者得觀焉其後各得官

去不果刻海昏王子駿以生綃來乞書子駿於余外家有連故書予之
能以青石板刻而送之祖山亦一段奇事

元周景昌陶潛潭記

安成南四十里山巋然特起曰書岡岡之上蒼崖

惟石層聳競秀其斬然角列者若圭壁其迄然對峙者若劒戟絕頂有
平石名淵明讀書臺有水曰王江瀉于岡之陽順流而東可二里許修
水合焉深澄寒碧名陶潛潭有釣魚石水落隱隱可見相傳以爲潛嘗
讀書而釣遊其上迄今父老歷誦言如此不可誣也岡之西濱湖之上
里張氏由禾川徙居焉張氏之彥曰景初好古慕陶嘗質其事於予而
徵記之按淵明舊居南康之上京總居柴桑里徙居里之南村初未聞
其他徙也茲山去柴桑且千里淵明歷仕亦止彭澤不知何自而有迹
于此也城中有讀書臺以殷仲堪安成守也至今郡以臺稱臺以殷著
茲山獨得於故老之相傳而泯焉不得與殷臺齊名者得非淵明解官
之後恐不免於宋之再徵遂自遜於幽遐窮陋之境以晦其迹使載記
之失其傳焉不然一岡塊然胡爲而特蒙此稱也追想柴桑來遊之時

獨立宇宙掃空世慮恨不并姓名而滅之而今也岡以書號臺以字稱
渾以名名使里談巷語流傳至今豈淵明意哉

明唐子儀靈山二十景詩序南嶽衡山在古荊州之域周迴二十餘里

屹立七十二峯而江南之山皆祖於衡嶽也騰蹕起伏盤旋拱揖如龍
形之矯重足之跂虎踞而蛇行鳳飛而鵠立千態萬狀奇勢異蹤莫可
窮詰延袤綿亘突起而爲峯崗之山在古虔之封爲江右諸山之祖也
聚爲府治散爲屬邑支縣脉貫乍隱而復現欲斷而更連踴躍走五舍
地駐於興國縣群山外環平川中豁據震艮之位有靈山焉兩崖壁立
夾水爲澗小徑縈紆羊腸九曲俯卑而窺高臨深而度密是以層峯疊
嶂其勢嵯峨而嵌巖頑石懸崖其色蒼紺而黯黝怪特詭秘神剎鬼鑿
心駭目眩並難名也不知天造地設鍾英孕秀於是歷幾千百載矣嘗
有唐僧鐵船卜基砌建梵宇額以靈山寺晨鍾暮鼓緇緇雲集崑炎海
變已成劫灰我國初僧徒星散世運平治謀興敝植藏今則復舊規矣
山多勝景莫能殫述而擇其顯著者得二十景自山之麓至其隩沿路

多松清陰覆蒼類引行人曰引路松於半坡翼以一危亭白雲吞吐隘
若關險榜曰雲關亭入源口當寬夷處峯迴水繞原田古木題曰碧環
亭旁陰崖下壘石爲龕厭世長逝火浴風化號曰化人亭近寺有橋淵
有屋庇橋秋月娟潔秋波澄澈名曰水月亭奇峯五各以形肖名寺左
蹲伏獅子草生石面風吹井井訝毛披然寺右峙垂象鼻烟抹崖頭霖
霖漠漠猶氣嗟然圓而仰者香爐圓而覆者鉢盂銳而長者石笋玉珠
有泉懸流點滴如珠在貫疑蛟人之泣也仙女有潭竅石空通如壺知
龍公之宅也有二岩虛洞類屋範金爲觀音像皮置其中危峭百尋必
鉤繩以引則人可到也劇然欲睡隱然欲伸石曰伏虎使李廣卒遇之
則射而沒羽也偈規而就矩稟地儀之形扶疎蔥蒨爲方竹林厭紅而
棄青鍾商灝之色秀異娟淨爲白蓮池弘敞其門不二於道揭以歸一
陰翳其洞不襲於暑名以芭蕉貼危架陰有橋幽幽浮光添影有池湛
湛此勝景之得名而可詠可述也予聞韓子留華陰登華陰山而覽眺
柳子居永記山水而遊適然則古之賢達未嘗不寄意於山水景物攬

幽發粹搜奇抉隱見於文章以傳於後世子雖不敢繼韓柳之聲光至
於吟倡記者亦竊有志咕咕然連其喙矣志陪府判周公同遊命予卽
席賦二十景蓋誠茲山之勝茲游之樂欲久而弗忘也

明倫彙編 家範典 四山記 永樂庚子夏敬習顏先生自顏谷來過余思誠齋
夜語及西山林泉勝槩敬習喜欲造焉明日山雲覆陰余道敬習先李
弟璜子頴猶子頊從敬習復命小童種火載茶具挈酒壺西行度平嶺
緣小溪過霜崖洞天列坐岩石下岩廣二尋可容四三十人有泉從崖
左瀉出紫流諸岩外深可尺許又有石突出上流橫爲舟形崖壁斗絕
多宋元人題詠漫沒不可讀有題顏興仁到敬習指而笑曰是我大父
行也酌泉煮茶茶已從岩外取道攀緣上山脊折而南行半里餘遙望
三孤峯聳出雲霄特奇異又行一里許山舒水徐境尤勝自雪龍支分
潘孤寨圓峯纍纍來如貫珠左右交互露巽方一面望東山安仁三峯
如筆架顏谷之水逶迤紫紆色如練衆小山布列其下如拱如揖如馳
倉崖翠壁綺綰繡錯敬習顧而喜曰此真佳處請名之曰錦岡遂相與

坐古松下命觴數行敬習扣壺而歌曰錦之岡子地之祥兮宅而藏子
壽而昌兮歌已南行過潘孤寨折而東下濠岡岡左右山峯益奇有參
互回抱之勢望遠山亘百數十里若奔雲若水波隱然如畫敬習與予
顧瞻徘徊久之又行數十步隔篁竹間聞水聲淙然下視石潭深廣踰
丈中有鯁魚數尾潭上石皆平夷林木蒼鬱心甚樂之今童子拾枯薪
煮茶與敬習坐石上復觴數行相與劇論既余曰自吾宗有茲上五百
餘歲過霜崖洞天蓋有矣未聞有過此而樂者豈造物者蔽於昔而顯
於今乎今吾始得相與樂於此亦豈偶然歟敬習益喜又歌曰登彼西
山子覽其勝矣優游於此子樂其性矣仰而雲游子俯川泳矣歌已遂
歸行數百步風雨交作穿茅竹間水沾衣濕盡及暮抵思誠齋敬習以
語叔父嘉會復約重游又明日冒酷暑張蓋從金山由故道之錦岡盤
桓樹下敬習歷指諸山形象曰某若印某若劒某若帽訖揮扇一笑遂
從右山度橫嶺過玉峽兩山對峙有盤石橫溪中若門限然日移山陰
乃列坐其上引泉曲折流實觴而浮之叔父曰觴至者輒飲至而疾去

者不飲既飲而洞狀止于石者復飲敬習飲既觴輒洞狀而止衆皆大笑曰今日之樂可無一語乎相與聯句爲七言詩一首詩就皆頽然醉卧日暮酒醒出石門詠而歸又明日敬習辭去因紀其樂以啓後之好遊者

明劉英游梅田洞記 出水東二十里而近曰梅田有石洞焉余始由流江廻洄而上將至夏陽訪湯子敬而憇于其下初未之奇也明日望西南上有連峯截天若陣馬屏障者義山也山下平田中有石峯駢立纍然若困廩狀者異之子敬曰此梅田洞也中虛而多石此去不數里予曰盍往遊乎子敬欣然振衣道客西上始循行水澣出柳陰遇射魚者因緣田陌間乃逕石橋縈折深窈由山麓以度見石峯隱隱朝霧中高下出沒若近忽遠時秋曰澄霽田野初穫樵牧散漫有芊區拓園蕎麥町町間布如雪叢篁中茅茨掩翳時時聞緯絡雜笑語聲問之則反舌也又前逕墟落涉小澗數百步則石峯轟然若躍而忽起已屹于前矣將及洞旁見新居翼臨池上子敬請過而暫息焉有衣冠出揖客者則

子敬故人戴君宗濂也及聞將遊洞茗飲罷即率客由山右折東西以訪所謂前洞者其山絕浮壤由頂及趾皆黑石叢聚植者若屏覆者若舟倚者若几稜利若攢劍橫偃若墮柳又若牛出虎蹲鰲躡而蜃戴起伏先後雜遘百千有藤蔓樛灌羅生罅隙間紅碧蒙幕莫可名狀若趾有小澗水流如線出門之右以達于溪門高可丈餘廣八九尺中寬足受數百人而莽晃幽夔卒入蓋眩不可辨久之仰見竅竇宛然天光下注岩中石色陰白兩壁皆甕腹若陶而虛者若剝而空者中有立石最高大名觀音石前左右石柱附壁蹲植于地連蟠夭矯耳角交峙筋絡怒張時有陰泉滲漉而下或以爲龍首鄉人嘗禱而雨焉龍首之陰有石方廣一尺餘頗類碁局有乳頭迸出石面若布子然可捫而數也復有仰天盆石泉下滴其窪琤琤有聲其上皆懸石綴列若肺肝若蜂房蓮花嵌岩玲瓏系微而末鉅仰視之有悸心焉或投小石擊之其鈎然者若鼓鏗然者若鍾而亦莫之辨也其旁左暨洞後有隧穴極深窈不可入聞好事者常挽縵篝火魚貫虵行循小澗之空以達然不可行也

乃出洞門循故道折而南以入門高如前洞而廣倍之深復十餘丈因石勢高下宛曲限爲三區其頂復有巨竅深若圓井偃若華蓋上弁下吐光景注射中刻爲池有泉畜焉清冷砭骨夏不溢或曰卽前洞之泉源也稍殿有陰穴迫窄若米巷立久覺寒氣森慄不可復進矣予觀洞門旁壁往往剝裂有斧鑿痕怪之宗濂曰此石宜煉灰尤潔膩堅瑩利巧饒煑鍊功倍常堅土人剖鑿火煨醺淬而碎之然後負置陶穴火五晝夜而灰成今石日加煨而民用日滋不知其沒繫縻燼將何時已也又謂向百十年前避兵者盡嬰後洞兵卒攻之不及乃自繫從天井中下而刼之一洞殲焉比年永新亂鄉民復斬洞以守男女牛羊以千百數寇至以火烟攻之幾死又近時有過前洞聞諷詠聲在洞中而不可見聚聽者至百十人旣而有一人忽自石空中投墜問之則某某也恍惚言曰我適遇一女子引至殿上謁紫衣者爲左右擯叱而下衆昇之以歸病卧數日卒日將夕乃出洞北歸夏陽復張燈飲湯哲家則月落宵半矣予因念凡山之附於地而中實者積氣之凝耳若岩穴空洞果

孰剗而孰爲之哉間嘗遊萬安黃墟記其形勢表裏有相類者然皆限
隔淪棄於荒遐寂寞之濱未嘗一爲真仙名士之所顧賞徒使樵童牧
豎躋攀躑躅呼嘯叫號於其間亦可悲矣夫山川能出雲雨見恠物者
有矣若怱怱憑遇固君子所不論而世之慕奇勝以寓遊覽者有之至
於敝險自阱則亦智士所不爲也他山之石以頑厲見棄者亦多而茲
洞以煉堊致燬則美質厚利亦有累之者矣斯豈非君子之所惜哉他
日予返流江寓舍思斯境之奇絕而歎朋友遊從之不易也乃追述斯
遊始末而記之記成書一本遺子敬且以諗同遊者復書其一以寄興
而時覽焉

江南多佳山水西山爲吾鄉之勝家居未仕時每
暑雨小霽日光橫亘顧望茲山林巒秀潤岩壑奇恠隱見出沒於烟霏
掩曖之間使人溼鬱宣暢襟抱軒豁超然有抗跡物表之意常欲一遊
而未暇焉及承乏翰林扈從兩京雖十有五年之久而山之勝槩未嘗
一日忘也刑部主事張君宗璉間以所與同里顏君敬習從父嘉會兩

遊西山記文示予取而觀之嵐光瀑水去人不遠雲霞竹樹恍如在目
不覺南望興歎慨然念夫昔者欲遊而未暇今則欲往而未能也期以
異日休致佚老山中杖履徜徉以窮其勝且重羨夫同游之士得以朝
往夕還恒樂其樂焉然敬習嘉會皆少負奇氣銳意於功名之會抑豈
遽効自足於丘壑往而不返之爲哉宗璉各書一本以遺之予因書其
後如此二君覽之必將有所擇焉

天關地軸者陳蒙山司諫新亭其上頗擅瞻覽久約鍾鳳閣一登賞乃
歲壬戌惟暮之春與鳳閣會南湖上沿堤徐步柳陰中時野花雜發兼
傍砌蘭芳襲人鳥嚶嚶鳴兩練雀尾尺許長往來穿樹飛紅綠間錯若
騰梭織機錦恍疑游身梁苑不知其在市廛也水自焦岡東合流鐵佛
景福諸橋經習溪入江名鐵索河今拘塞萍沼以取贏妨地脉今傍行
小渠迤南至半蘇橋蘇東坡南謫經見兩崖夾澗居燈火星攢射波底
依稀閭閻命之半蘇橋河嘗產白蓮人傳以爲異而不知青萍之爲得

世與鳳閣小憩半鐘亭城墻圍三里許度太平橋入鐵佛寺殿有石
柱四梁觀其不他籍籍曾此遺於其鈎巧非真也雖手也出拜先墓訖
與鳳閣登小舟十二里許至永和市過慧燈寺未入遂謁歐陽監丞
無世憤欲致身卒蹈火虜庭鳳閣曰周文忠繼監丞而作相距不數十
武何其感哉余謂鳳閣曰大江繇章貢合流小水則發源文山文信國
公父自秀水溝徙居去二里許至富田小江劉氏曰子侯洎洙從文山
勳王京死去三里許至值夏顏氏曰異爲元節臣曰伯偉明靖難時與
妻子俱死浦縣去三十里許至香城山胡忠簡世宅其下去十五里許
至鎮歐周接鼻樹國一水數十里八公揚烈赫赫照青史可謂忠義水
矣鳳閣曰然逆過中市入清都觀觀有石基高廣秀拔白鶴仙飛昇處
亦名白鶴山東坡南還與黃山谷來游坡與鄧道士同庚生爲之作贊
又爲大書清都臺臺下有逍遙堂山谷有詩後因置蘇黃臺臺久廢惟
竹籬鏡道士石像上至今存寺後有金錢池蘇黃戲擲金錢于池池開
花像所擲錢因名折東至米巷坡送客墮復溝中戲言其地有美泉鑿

之出泉果甘冽因名東坡井折西有佛姥墓傳爲定光古佛母墓上青
草長不凋已過上市華周丞相讀書臺久荒鳳間曰公罷相歸鑿池
種蓮其長竟得名蓮池街今爲他主分沼矣余悵悵久之折南訪鳳岡
精舍遺址蓋趙宋時地多髦士奉詔建夫子廟爲燕居像配以曾子旁
爲講舍朔望會講二丁行釋菜禮唐以前鎮隸秦和秦和稱西昌永和
稱東昌謂文物相埒也迤東至輔順廟神匡太師長安人與季父智棄
官樓鍊廬山有以陰山喻之者乃更居郡之王山次季父蛻爲地仙著
靈禾和廟焉有盜來卜劫不應盜怒以神戲卽得卜恭其像出寇曲塘
行暴者首禍舉群殲焉建炎間虜騎南侵勢張甚鎮人赴叩忽烈風颶
沙石朱旗絳天盜驚愕亟遁去郡言上錫今廟號封威遠侯宋元勅碑
十餘列廡下壁畫官莊絢爛出名手半已剝落總管歐陽覺初給廟掃
除已功行通顯塑骨立傍龕中窺之畏人禱賽輒靈應永和故善陶卒
筆變成玉器工懼聞上不給玉竊封穴逃之僞爲業今景德鎮乃多末
和人有舒翁者爲玩器而舒嬌尤精翁之女也其爐甕諸色與舒翁等

價永和地僅十里忠介名貴挺出幽如仙釋奇如良工焜耀在昔稱東
昌距今賈木之場邪與鍾子還舟五里許至神岡山志云山高三百丈
西峭壁臨澄潭甃級甚整然余憊不任升讓鳳間先登頃望之已休古
松下余以二僮掖三歇而後至松間共憇同入蒙山環翠亭萬境獻奇
耳目清暢忽陰霧濛濛二三小舟從兩江來蕩槳乘流死在圖畫中見
鳳間曰曩夏漲偶宿山房水東浸天獄山麓西浸天華山麓神岡居浩
漻中洪濤春擁若蒼龍欲飛去武姥金華及興國數百里山皆覆盃盂
於覆鳥下真勝絕也余曰安得洪發時一慙此賞乎已入謁神岡廟五
代郡牧劉公有惠德暇游茲山白鹿輒隨車歿而尸祝之于此乃徧覽
唐宋諸名碑胡忠簡所隸路寢碑辭翰俱雅近有司取以他刻惜哉左
紹徐鉉稽神錄云富民龍昌者來祈早以騰穀價震死廟下廟前有西
臺寺宋乾道間建出而游焉見兩桂樹婆娑如蓋日近晚二人復登舟
還至大巷口濯稍緩令僮置雞羽江中不上下流乃知此地多饒僧陰
於水也數十武至排岸司登而眺鉄十字長七尺左題保大二年月日

置右題一千三百斤相傳以繫戰艦或以為商後代鳳間曰十字可二人舉稍喧言增之數十人不力也舊有奸竊去卽村塢絕雞種乃復送還又傳十字嘗與鍾夜關鍾北墮江中至今漁者猶見之不知其說也乃揖鳳間別歸而爲之記

明吳志 神岡還權別鳳間卽訂明日之遊臨晨欲發鳳間書來以事辭遂惜舍弟耿步自九曲巷至青華觀丹井在玄壇廟下泉沸出稍竭旋盈汲者以次不久候水甚甘列級而升多空地棄古栢列短垣間杪枝鬚髯類莽根傳爲泐基者倒插栢又級而升謁真武廟傍列四大將各長丈二三腰柱桁以防倚獨辛天君屹立目光爍人道士曰辛君寔發靈茲宮嘗度元道士張天泉時有蓑衣仙來交合一日辭呼天泉俱去弗應後自嶺南寄書來計期乃相別之日也瞻天泉半影宛有生氣出從肩輿五里許至天華山山自安成尼山發脉根盤雄據爲郡之主山上有王郭二仙壇古松數千章架壑蔽景故郡倖范公來憇命翦闢前亂松名半松亭遠覽斯暢矣余舊讀書山中結友徜徉

兩厓間苔蘚蒼翠狹處僅容入且深平沙布底可坐十許人泉旁行或
從高作雨滴淙淙鳴颺夏陰森愛不忍去今雨淖妨屐不能往山北由
隴間行麥苗維維耕家競趨農事顧謂弟曰吾輩寧當惰游乎相與一
笑六里至雲騰嶺下窺噴珠泉拊掌疾呼則沙面泡沸如珠出疑有神
物蟠其中迤從樵徑升細石累累一失足則滑不自禁以僮左右掖謁
飈御廟一曰雲騰廟先公吳世雲棲具王笥山時御風雲至此故廟以
名度山南拜先墓訖仍北首掖而升降歷五六峯至眞君山宋時有蛟
孽患之而祀許旌陽得免山因以名又稱高明宮宮前陡絕俯闌城郊
萬家烟樹如蜂攢蟻族神情閭穆元有林浚者棄官山潛建望仙閣日
臨其上庶幾與神人遇後不知所終度一嶂數百武有毛尚書墓又登
頓數百武至瑞華山山厓間積流瀧瀧以溉田山麓爲珠林寺二宮
及寺皆高下置室展有幽致復八里許至螺山麓左右回龍坡舊東嶽
廟邑人周公孟中言上攷祀文丞相中設寢堂兩廡列從義督府趙時
賞等五十有四大都如文廟制然寢堂因高而瞻望特尊具天造以

賞貞烈也門外對壁二石約五尺高其一穴紋宛厯如螺一委折如川
字篆交年發潤相傳名郡由二石云迤掖而升山似螺名螺山山童而
一小樹特出峯後客舟上下遙望如螺頂簪華亦一奇觀也歐陽巽齋
記山麓靈泉寺云掘地不盈尺輒得金螺無數大僅如珠而形奪真傳
漁者見神螺五色風雨中懷取竟失之楊士奇徐洪皆有詩視真君特
高越左峯視與之埒自瑞華至雲騰連峯接嶠秀拔軒舞若斷而續故
雲騰叙龍頭山此郡之內護山也天獄諸峯隔江排雲起伏數十里與
內垣似而長數倍此郡之外護山也螺山又門水口與神岡望峙群山
羅而翼郡若城堞然而長江環帶真山水之聚而名勝之都也歸而帆
風頃之抵白鷺洲洲從江中隄湧逆上三里許與螺川驛接地鈴以爲
滿城官者則驗於今日矣予生長郡城闕然未盡諸山之形勝賴山靈
惠我使得振矇而望心於疲老之日不可不謂幸也

螺山距城西三里爲西原坡陀夷曠並立三寺能仁功德
同門入福田巷主方特小而幽初能仁一寺千僧木魚長七尺取其

發磬洪可喻諸寮合契也官有持木魚去少鋸其尾香觸久疫其衙乃設綵迎之遂卒離爲十二寺惟功德福田連薨林樾交引鳴鳥來游者喜脫紛囂而靜鬯也能仁多靈怪高僧曩新構一羅漢化爲僧遠適施米載而抵厓歸號集其徒久之不至舟子詣寺徒見工作不聞有離寺僧褰裏殿上右廡一羅漢如同載人一足猶濕知其是也乃鳴衆負米歸因稱化米羅漢瞻之而目炯有光與諸羅漢異止觀禪師者善談空有僧來叅曰師以罐爲僧如何曰是僧曰漏了如何曰涓滴不漏曰打破了如何曰若教打破偏滿虛空僧作禮而退僧宗度者常有二童子來索飯輒予之後師出執爨者弗予逐之二童子跳入井井水溢出亟報師還先投之鉢孟錫杖次以木盤冒井上趺坐而化水息乃知二童子之爲龍也其母每爲祝髮母且老以偕抹其首曰吾老且死誰爲兒剃者髮乃絕志云以胎骨塑像覆之亭視之宛然少僧也殿前小浮屠相傳翳骨其中意浮屠以藏舍利子非虛造也晏稽古詩直以降龍爲止觀則惠度其名也井前方池水涸則旱人多以占歲相傳井通墨潭

故所投鉢錫皆出潭中而龍亦窟宅潭近云寺傍有詩人堂唐杜審言
謫吉州司戶叅軍好游西原後人結詩杜以講藝宋咸淳中周平園予
危恕齋歐陽寓齋爲布衣交卜地西原八泉構祠祀叅軍歲時行鄉飲
酒禮恕齋之門人朱渙王邁歐陽守道買田以給費顏堂曰龍岡二堂
元廢入寺黃山谷居蜀爲叅軍孫少陵作大雅堂至于今歸然而詩杜
禮堂自平園諸名公後無沒空王海敗礎堙化豈錦江螺水異流邪余
之游西原也尋八泉而不得益多惋悵矣

龍洞

文昌西山麓曰霜麓洞天洞有石船古今無

知者宋陳橫齋張習甫瀘濱張養直諸老標異洞乃以名迨我大明少
師楊士奇寺丞張宗璉侍講彭敷五繼墨跡於巖山川自宇宙昔晦而
今顯也不以人乎成化戊戌張君兼素信次予遊用瀘濱韻各一首兼
素將磨崖刻之後之觀者亦將有感於斯乎

龍潭

龍有三源一道沙溪一道金牛東南抵興國界視二水

持大焉下合流爲龍歐陽崇公之阡沙溪之瀧也瀧遂以名天下去金

牛十五里蒼崖峻壁循瀧而環若玉玦然瀧崖翁張邦俊居之翁以勤
力致貲富酣嗜林壑客至命童觴酒豆肴鼎茗炷香鼓枻泝流緣崖索
翠遇奇絕處輒輶飲放歌竟日忘返客謂翁曰欲貴者人之同也翁賤
軒冕而榮簞笠遠城闕而迹山林毋乃非人情乎翁指崖傍花曰其初
也枵然枯株耳已而歲黹已而爛熳離披飄逝波而化微塵可立待也
子達此知榮辱之理矣又指崖上雲曰其生也膚寸耳已而布濩大虛
合而爲雨散而爲暘卷舒無迹子達此知出處之理矣吾少依稼穡歐
陽文忠公吾邦人也吾耳熟焉公之立朝以犯顏敢諫爲忠以濟時行
道爲賢以古文倡天下變西崑詆訶佛老不遺餘力至比之韓愈孟軻
吾異時此涉淮泗南跋閩廣閱達官貴人多矣窮天下之欲以自厚其
身及其子孫庶乎公之所爲者蓋有之而未見焉吾聞之四郊多壘大
夫之辱也地荒而不治士之辱也然則居先正之邦不度才量時而冒
進焉不厚吾黨之辱乎吾雖獸豕木腐窮崖幽谷湮滅無聞殆不辱吾
瀧岡矣使窮天下之欲以酣豢其身吾不願以此易彼也客無以應明

日以告于倫先是倫來主金牛洞翁築會秀堂居游士給田百米以養之翁有此言宜矣遂次第其語書于瀧崖之壁

明劉通游洞泉記樟洲之東有流泉焉其源發乎桃花洞之與出洞口

與鄧家原水合而西行紆徐曲折循古株山之麓以達于樟洲上下六七里許率負山而挾田田盤迴兩山間至樟洲始衍夷而平曠疇壅彌望水下激成厓深行地中故田若益高水若益下耕者俯臨之不能致昔有備旱潦者築巨堰竭其衝以消息之堰高與田等隱若束峽春雨時止水灑灑交田面截奔蓄深溢流下飛久之浮壤漂滌地骨出露陂陀盤辟輪囷突兀中路兩厓直堰之下其廣可數畝而土礫筱磽若棄地然每秋高氣澄漲落潦縮泉一線穿襲土絡間日刮月磨逝成盤窟深者若井淺者若臼圓者若盤杆虛者如鼎鑊旋轉如碾渦欹瀉若飢甌鏘然有聲悠然下赴乃交注土磧之兩腋磧墮而旁垂穹窿搜抉蹇若象鼻獨盤屹而中峙其左則抵突而漫頂珠跳雪濺煦汰騰沸其右則投間懸絕若銀縷瓊刀飄風射虛以合注千磧下之大窪而聚焉廣

可三尺餘從五尺深如從之數而加二腹洞吻吐若歆齧然四圍周環高擬壁壘其土堅密近於石表黎黑而中黃黃鱗鱗鐵塗以青蒼雜以駢赤赤者朱殷白者凝脂滴漱波撞下空旁隙爲燕巢爲蜂戶爲蟻垤爲羊胃爲穀紋爲錦繡爲金鎖甲爲鍾乳滑潤磊砢嵌岩燦爛不可名狀其底瑩徹絕泥滓白沙錦石填壅其中水旋于窪若走敵赴抹然乃折而蛇行渟狀爲坎者再又西北行循洲之陰以出黃塘之右蓋由是趨白家橋歷石岡之陽遂北入章江矣泉初未有奇之者歲丁未六月夏余弟埜始與其客丘弘道步于其東原寓舍之西嶺尋幽而得之欣然以爲奇明日余兄子中與余俱往觀之方循厓步嬉已饒然有濠濮間意及注視水鏡溶溶若空乃解冠振衣浴于大窪時暑溽方蘊水落厓半時時小魚跳擲空明仰捫絕壁不見日影咲語響谷如在盜中四人者蓋樂而忘歸焉余弟埜爲余言始來游時蓋採足而復却者數四毛髮森豎有戒心焉弘道又言其下有小窪深可沒脰而弗之及意或有神物居之蓋不可知也余以爲是泉之出也久矣有灌注流瀆之利

無機械激決之勞徒爲岩谷之所掩伏草莽之所蒙翳蛇蟲魚鳥牛馬之所憑聚而飲踐宜過者掉臂不顧也然堰之防之遏抑沮屋使不得遂其安流邁往之志乃委伏頓折匿迹於幽遐寂寞之濱至哀鳴怒號漂觸沙石而不已亦可悲矣抑古者窪尊而杯飲茲泉合尊壘之體有窪之義焉請名之曰窪泉且將作亭其上余兄弟日與賓客游味於斯以絛其壅滯廓其清明而庶幾相忘於太古淳龐之理不亦可乎

宋文公文山

自文山門而入道萬松下至天圖盡一江橫

其前行數百步盡一嶺爲松江亭亭接堤二千尺盡處爲障東橋橋外數十步爲道體堂自堂之右循嶺而登爲銀灣臨江最高處也銀灣之上亭曰白石青崖曰六月雪有橋曰兩峯之間而止焉天圖畫居其西兩峯之間居其東東西相望二三里此文山濱江一直之大槩也戊辰歲余自禁廬罷歸日往來徜徉其間蓋開山至是兩年餘矣五月十四日大水報者至時館中有杜伯揚蕭敬夫輒呼馬戒車與二客疾馳觀焉未至天圖盡其聲如疾風暴雨轟隆隆震蕩而不可禦臨岸側目不

得往視而隔江之秧畦菜隴悉爲洪流矣及松江亭亭之對爲洲洲故
垤然隆起及是僅有洲頂而首尾俱失老松數十本及水者爭相跋曳
有偃蹇不伏之狀至障東橋坐而面上游水從六月雪而下如建瓴千
萬丈洶湧澎湃直送于吾前異哉至道體堂堂前石林之舊浮出水面
如有力者一夜負去酒數行使人候六月雪可進與否圍棋以待之復
命曰水斷道遂止如銀灣山勢回曲水至此而旋前是立亭以據委折
之會乃不知一覽東西二三里而水之情狀無一可逃遁故自今而言
則銀灣遂爲觀瀾之絕奇矣坐亭上相與諧謔賦詩縱其體狀期盡其
氣力以庶幾其萬一予曰風雨移三峽雷霆壁兩山伯揚曰雷霆真自
地中出河漢真從天上翻敬夫曰八風捲地翻雷穴萬甲從天驟雪驟
倚闌踰時詭異卓絕之觀不可終極而漸告晚矣

明羅倫

自山羅倫遊記

倫自幼則聞王筍之勝欲一往而不可得一

日夢游焉至山門榜曰法樂洞天流水縈帶群峰玉童童子出迎延入
菴中道士睡方起良久謂曰若所遊者夢耶予矍然曰是若之夢真耶

予今之來者直遊真遊矣若乃指實爲妄是若之夢未覺耶何若語之
覺也道士笑曰東海之東南海之南西海之西北海之北上自無始下
至無極皆夢境也伏羲几籙神農軒皞熙穆無爲堯舜禪讓湯武放伐
劉項爭雄君者吾不知其爲君牧者吾不知其爲牧百世一夢也朝菌
不知晦朔旦夕一夢也螻蛄不知春秋時月一夢也上古大椿以八千
歲爲春秋八千歲一夢也前混沌死後混沌生天地以十二萬九千六
百年爲死生十二萬九千六百年一夢也莊子曰方其夢也不知其夢
也覺而後知其夢若夢猶未覺耶若謂予夢夢也謂若夢亦夢也予與
若皆夢也若見虛生平方其適也知其適而已不知其爲夢也及其欠
伸而寤也適安在哉若起草萊登金門步玉堂名震天下不三月而南
竄荒徼然後去袍笏而簞笠遠城闕而山林視昔之有其夢也耶其非
夢也耶乃不悟此遊之非夢非固耶予方謝道士道士辭去蹶然而興
曰其真夢也自是往來於懷成化丁酉春林緝熙自羅浮來成真遊焉
黃時憲王忠肅許濟川自吉水至陳符用自廬陵至自王峽舍舟而陸

暮抵大秀宮宛然夢境矣翌日道士從宮于天王閣約符用結菴于閣
得最奇處名曰羅浮菴符夢也予顧諸君曰是遊非夢矣緝熙曰安知
其非夢乎謂爲非夢恐復爲道士笑也明日各下山辭去明年見緝熙
于薌城相與太息曰昨遊成夢矣符用來告菴成書夢語刻于菴中庶
來者知人生之所遇無非夢境也以得喪而欣戚何爲

羅浮山記

余與鄒東廓劉三峯會講安塘百谷中獨眺所謂

嶙嶺者直插天表巍然高也列岫涵雲詭然秀也思欲振衣其上以收
千里之勝及再會得與二公卒願焉由原度古江橋之壯麗蓋鄉井唐
太和間創而宋蕭特山擴之也墨潭龍州居其下江中蒼石虎踞里人
云春漲石輒浮起視常立水面故相傳爲障江石下陂上有六樹同本
生各四五圍離立可置一席於是合族舉酌四五行皆以爲異材而東
廓名之曰六合同春云東至象山隱然象也復東至樟木古寨上可容
數百人三峯奇之而名之玉几山折而東北至石窩岩虛呀敞朗然氣
蕭蕭泉滴滴注石竇四時不竭余名之曰虛明洞天折北至琉璃仙山

翠冥冥欲沾衣西至螺峰下有寺靜勝可遊南至麟嶺山半有蕭將軍廟乞靈者應響數十盤及頂千峯萬壑皆其弼佐惟馬嶺對峙猶劣極目無際指顧間數百里纖毫皆具咏左大冲振衣千仞岡之句飄飄然欲仙也乃記之而去

金精山記 金精山在寧都西郊十五里未至縣一舍外望陣石截雲升崖翠壁烟靄明滅知爲神仙區宅出此門渡拱辰橋折而西入至蒼山簷齋谷石峰已漸獻奇昂首危坐作伏獅狀項湊圓石如懸鈴是爲獅子峰入青牛峽清澗出嵌鐸下諸石魁岸擁道山氣清肅愈前愈奇不一名狀擎龍而驤馬困立而屏張截者王削政者鵬飛銳者圭列展者旗揚界立者如劒剖鋸分壁峙者如鐵城環闕穴聚者蜂巢燕壘石脂搖光者膏凝液流高岫出雲者炊氣鬱蒸千奇萬異駭目怵心石之著名者十有二峯獅子其一焉微圓而長承以盤砥如菌舊出擎蓋中者蓮花峰也雙峯合峙中泐至麓如僧作禮梵唄者合掌峯也雙石顆頤中出孤木枝葉扶疎如帶葉果釘者仙桃峯也削壁墜色石

紋墨縷拂布石面者披髮峯也怒踞當道耽耽俛視者伏虎峯也林木
葱蔚蒼翠輝明者翠微峯也關洞前立與靈泉仙龕對者望仙峯也瓏
玉疊環鑿石叢珍者三巘峯也萬條叢生根柯特異者瑞玉峯也千仞
峭聳中通洞天者凌霄峯也豐首低尾色如渥丹狀如腰鼓者石鼓峯
也回峯有竇出半壁中裂修縫垂掾藤樵牧黠勇者扳藤猱升窺洞中
極廣敞宛然廳堂房闕舊傳有金牀玉几是名碧虛洞焉有石遠眺如
鋸近則圓立直上有金縷者黃竹峯也峯麓崎嶇險路絕梯登兩石傾軋
中僅綫通匍匐登其巔廣平可容千家兩泉湧出甚冽極旱不涸中更
冠亂辟而寨居者多得免焉茲十二峯亦隨見指名要未盡茲山奇也
陽靈觀在群石間最佳處自仙槎閣入石爲甕戶啓戶穿行曲棧環石
自一區巨岩覆之仰視天空如規像真仙其間層殿複閣屋無陶瓦雨
不能侵岩頂懸木鶴能隨四時轉指岩面飛泉潺湲日夕如雨自殿沿
崖曲折下石蓋感氣益蕭靈泉自后鑪迸瀉乃委蛇出味宜茶游人
不敢重酒入相傳謂嘗犯者暴雨雷並至此要亦氣森冷令人栗膚况仙

靈禱輒應人自不敢瀆也按靈笈七籤云茲山乃三十五福地漢初女
仙張麗英字金華飛昇所志云山下民家女生有異質年十五偶於山
中拾桃二顆以一奉母化爲石自餐其一頓忘飢渴遺核亦化石謂今
仙桃峯是後積功行乃仙初長沙王吳芮平閩越道過邑聞仙名強委
禽焉父母欲許之真人謂使者曰吾名仙階暫混塵境幸無辱使者還
報芮以兵入山求之真人乘雲空中語曰吾金星之精降治此山汝宜
爲民立壇祈福芮始懼謝仙已冲天矣仙屢以祈雨應封靈泉普應真
人宋徽宗朝崇寧間封之飛昇時歌詩十八章今存其五一曰哀哀世事悠悠我
意不可考王威不可奪今余志二曰石鼓石鼓悲哉下土自我來觀
民生實苦三曰有鸞有鳳自舞自歌何爲不去蒙垢實多四曰凌雲爍
漢遠絕塵羅世人之子於我其何五曰暫來斯會運往卽乖父兮母兮
毋傷我懷其詞高古固漢人文章首篇竦然女節餘篇超塵逸氣可想
其末章不忘其親又人心天理之真章真舊誌謂其詞鄙俚不收俗盲
可嘆哉

明家藏游金精山記

金精山在贛寧都縣距縣西十有五里而近自縣

北郭門出未十里而抵蒼山歷賃當谷宋曾唯菴父子讀書處不遺址
焉西入爲獅子峯又入爲青牛峽狀甚恠特又稍入見有額展蓋
者爲蓮花峯其有石自巔抵麓泐爲二而勻圓特立者爲合掌峯又有
雙石類削壁植圭者爲仙桃峯世傳張真人入茲山得二桃一以奉母
自餐其一遺核一化爲石也自仙桃峯爲試劍石爲披髮峯蓋石似刀
劃斷爲半而峯崖之蔓延蒙茸溜紋碎黑若披髮然也伏虎峯峙於雙
桃之左望仙屹於披髮之右其翠微三巘瑞竹凌霄石鼓黃竹諸峯又
其魁迥也其岩之最近者曰月岩曰道人岩曰休粮岩泉之最清者曰
靈泉曰仙浴池曰崖瀑合流入于澗中百折而出清澈若藍毫髮斯鑑
可漑可濯凡諸峯之效奇獻秀奔驟起伏迎揖拱踞于左右者莫能具
悉其兩崖融合中則嵌嵌洞豁者爲仙洞有陽靈觀真人祠御書閣葆
光亭在焉相傳謂長沙王吳芮求僊真人誘令鑿洞者是也觀之陽有
飛昇壇謂真人遊與之所壇有亭翼然而翬食者前守菊潭王君之所

作也道語石刻在在有之靈泉之下有石平砥而敞好事者引水爲觴
涑池環坐可六七十人敏與邑士孫仲寶緣磴而入跂于泉下覺寒氣沁
淥逼膚今人有挾纈意仲寶試以瓜漬泉流間少頃取剖而食則已冰
醕弗敢咽矣亟還入老君巖就燠而坐時六月朔日也

東坡志林

卷之八

記

蘇林及盤園蘇林故侍郎向公伯恭所作本

負郭平地舊亦人家阡隴故多古木脩篁林堂皆爲越蔭所迫森然以
寒宅旁入園中步步可觀梅臺最有思叢植大梅中有小臺四面有澀
道梅皆交枝覆之蓋自梅洞中躡級而登則又下臨花頂盡賞梅之技
矣企疎堂之側海棠一徑列植如槿籬位置甚佳諸子復葺墻後園池
寒芳諸亭大率無水僅有一派入園作小池及礪泉之類所謂虎文者
亦不能詳攷出蘇林對門又有荒園中有古岩桂大數圍江鄉無雙者
盤園者前湖南僧任詔子嚴所居去蘇林里許始爲酒家有古梅盤結
如蓋可覆一畝枝四垂以木架之如坐大酴醾下子嚴以爲天下尤物
求買得之時蘇林尚無恙亦極嘆賞勸子嚴作凌雲閣以瞰之梅後破

臨响子嚴悉進築焉地廣過薌林種植大盛桂徑梅坡極其繁縟但亦乏水當窪下處作池積雨水而已周旋兩園遂以抵莫始余得吳中石湖遂習隱翰林周公子充過之曰吾行四方見園池多矣如薌林盤園尚乏此天趣登臨之美甲於東南矣併記于此

唐麻姑者葛稚川神仙傳云王遠字方平欲東之括蒼山過吳蔡經家教其尸解如蛻蟬也經去十餘年忽還語家言七月七日王君當來過到期日方平乘羽車駕五龍各異色旌旗導從威儀赫奕如大將也既至坐須臾引見經父兄因遣人與麻姑相問亦莫知麻姑是何神也言王方平敬報久不行民間今來在此想麻姑能暫來有頃信還但聞其語不見所使人曰麻姑再拜不見忽已五百餘年尊卑有序修敬無階思念久煩信承在彼登山巔而先被記當按行蓬萊今欲暫往如是便還還即親往願不即去如此兩時聞麻姑來來時亦先聞人馬聲既至從官當半於方平也麻姑至蔡經亦舉家見之是好女子年十八九許頂中作髻餘髮垂之至腰其衣有文章而非錦繡光

彩耀日不可名字皆世間所無有也得見方平方平爲起立坐定各進
行厨金盤玉杯無限美膳多是諸華而香氣達於內外擗麟脯行之麻
姑自言接待以來見東海三爲桑田向聞蓬萊水乃淺於往者會時畧
半也豈將復還爲陸陵乎訪笑曰聖人言海中行復揚塵也麻姑欲見
蔡經母及婦經弟婦新產數十日麻姑望見之已知曰噫且止勿前即
求少許米擲之地卽成丹砂方平笑曰姑故年少吾了不喜復作此曹
狡獪變化也麻姑手似烏爪蔡經心中念言背痒時得此爪以爬背乃
佳也方平已知經心中所喜卽使人牽經鞭之曰麻姑神人汝何忽謂
其爪可以爬背耶見鞭着經背亦不見有人持鞭者方平告經曰吾鞭
不可妄得也大曆三年真卿刺撫州按圖經南城縣有麻姑山頂有古
壇相傳云麻姑於此得道壇東南池中有紅蓮近忽變碧今又白矣池
北下壇傍有杉松皆偃蓋時聞步虛鍾磬之音東南有瀑布淙下三百
餘尺東北有石崇觀高石中猶有螺蚌殼或以爲桑田所變西北有麻
源謝靈運詩題入華子岡是麻源第三谷恐其處也源口有神祠祈雨

輒應開元中道士鄧紫陽於此習道蒙召入大同殿修功德二十七年
忽見虎駕龍車二人執節於庭中顧謂其友竹務猷曰此迎我也可爲
吾奏願欲歸壑本山仍請立廟壇廟玄宗從之天寶五載投金龍於瀑
布石池中有黃龍兄玄宗感焉自麻姑發跡於茲嶺南真遺臺於龜源
花姑表異於井山今女道士黎瓊仙年八十而容色益少曾妙行夢瓊
仙而餐花絕粒紫陽姪曰德誠繼修香火弟子譚仙岩法錄尊嚴而史
玄洞左通玄鄒鬱華皆清虛服道非夫地氣殊異江山炳靈則曷由纂
懿流光若斯之盛者矣真卿幸承餘烈敬刻金石而誌之

明鄭道玄詩
山麓而上百餘步有尋真亭又數百步有雲關嶺極峻山皆巋然俯貯
益上斗折數百步至山半勢益高俯視諸山如龍首峯如赤而石如從
姑石皆帖然山麓下山下有澗齧石南奔十餘里其流如平布石者如
織組其擁石而下者如驅潮捧海前者未去後者湧至暴悍奇怪莫可
名狀其聲細者如響環珮如鳴球其大者震撼林谷如轟雷直上數十

仍俄有水垂峽如懸河蓋所謂瀑布者其雄壯瓌異尤爲麻姑奇觀上有潭深黝而正碧有龍藏其中有金龍潭大旱祈禱輒雨傍爲亭如枕流垂玉璫練溪雪下上聯絡如貫珠皆因水而名又上數百步有橋翼然架石澗上石峽束水倒流聲淙然特幽勝石罅有泉側出極甘冽以釀酒尤佳名神功然後稍上夷行數百步至仙都觀壇卽蔡經故居王方平來會姑仙之地其事具見顏魯公記魯公祠及何氏書房觀後有唐鄧紫陽塚鏗然如櫃中空相傳紫陽尸解棺亦飛去獨遺爐簡瘞壇上壇之外山皆迴環聯若星拱矗若雲滙尊嚴若神人者舊有古藤七星杉皆已斬伐惟存一松猶偃蹇如乳龍可愛山上有仰高亭又上有齊雲亭一碑穹然立榛莽中下瞰城郭大僅如掌烟霧際天其氣磅礴眩晃或黃或赤或青或白或紫或黑變幻不一遊者皆飄飄然如騰空御風而欲仙山後有霧應仙羊五老寮人諸峯盤孳八九里皆勢若倚角衆人峯與桃源相直云寮世人避亂于此或仙者居之故名源中桃樹今猶有存者又有碧蓮池在觀前今已爲田由麻姑十里至丹霞觀

山巖隙水益清駛有聲草樹益森巖多佳異觀有鐵鑄仙像皆巍然所謂升霞洞天者乃神仙所窟宅猶去觀十餘里在山巔時欲窮其遊以日暮不果

麻姑山先屬撫今屬建寔當斗牛之交丙申夏偕諸子拾級而登得半山亭下瞰深厓茫洋如海而兩崖擁立於蒼松翠竹之間如踞如蹲莫名其狀復進不數里抵神功泉上以木爲橋其平如砥其下空上涸游龍蜿蜒玉井冰壺噴薄萬里其初自石厓而出滴滴淙淙如群仙挾螭蚪而來騰梭飛練可以振風雷浮日月也有道人指之曰今之釀爲酒者豈其泉耶尋適仙都觀榜曰小有洞天有堂焉姑仙位其中猶有唐制更禮其賢者而俎豆之先是提攷者信國文天祥司其事而又亭之尋碑蓋顏魯公舊物也爲好事者竊去今還置外此則鄧紫陽羽化之所周以石城護以砂磧相傳唐玄宗賜葬其時文曰紫陽真人之墓予登眺久之退居疑真堂時夕陽未落掩映空山東沒西升晚霞一色又步至小石橋隨過神功與泉復合道人曰復有

所謂第三谷者蓋麻源也行數里由林薄而入露氣草香連濕人目但見石壁弘開雲門甍駐其傾瀉中流蟬珠錯落渡一橋斷而弗續侍者以輿濟之憩雲門持有水水有三支上潘者一也寒坪者二也大小源者三也至谷口復匯一溪不可測矣其殆彭蠡之流乎時綠陰蒲堦鳴鳥嚶嚶將摩陟其所謂石壁者以萬仞計其上虫書鳥篆灑灑縱橫綽有風格或曰雲門沉沉石壁稜稜或直而起或巨而橫又行數十里得長岡焉蓋謝靈運訪華子期處也其詩所謂桂樹凌寒山者猶可想像而碧澗紅泉惜其無復晉之度矣登高眺遠景象萬態如大傲小畧如鱗斯魚謂之岡則可矣謂之華子則不可也悵悵而去之始知三谷之中第二谷者有桃花源焉深入則倦矣吾其返矣

宋進宗說
紹興戊寅春知軍事新安胡公勸農于從姑山靈峯寺畢率僚屬探索幽境登石屋觀定應泉窺虎穴四顧丘壑秀整度其間必有奇勝步自西廡出穿支徑盤紆而上得高坡焉矯首遐觀萬山崔崔若跋若伏岡阜林麓星巧競秀盱水東注島嶼洲渚交於其中

通延野綠遠混天碧城市樓觀層疊於掌握指顧之內雲煙杳靄出沒
乎空曠有無之間闔坐喜愕徬徨忍去桑陰漸徙清曉倏來發快哉
之嘆歟曰去郡郭不數里有勝地環絕若此而遊亭未立誠闕典也敢
以爲請公顧南城尹曰與民同樂繁君是賴亭成卽以快哉名之尹曰
唯

明秦觀觀瀑亭記當麻姑絕頂有泉自丹霞觀西北來蛇行斗折伏流
篁竹間數十里經仙壇下與神功泉會其流瀾瀾不疾不徐至三峽橋
崖谷破裂其下亂石森立泉自上墮坑谷中下與石鬬不勝怒則洶湧
作秋濤出峽聲奔放衝突不數百步至石梁忽作兩白龍下垂飛雪灑
灑濺人其聲清越而天風引之乍細乍高若士女裂帛明珠落盤又若
鐵騎突出而刀鎗戛擊響振林谷誠山中之偉觀也成化辛丑予承
乏是邦又明年適裡祀麻姑始獲觀是泉而愛焉因命道士曰洞淵者
作亭其旁扁曰觀瀑

元余幾游磁龜記

由梨木灘沿小溪入高陂溪水清激韻中琴筑絕可

聽人居半山曲不井汲接竹行甬泉入厨間至數十丈每茅茨瞰高倪
入幽緣鵲豚魚鳥隱見雲氣使人卽之有異世桃源之想數里入孤川
上緣藤磔磔下皆冰雪水流兩厓徑其間予勞行內熱氣鬱寒衣濯厓
下纖魚出游若與人狎而玩者紫絲吐沫動蕩晴碧良久畢入緣藤磔
者有大石塞道下墜深壑鑿鑿罕試以大藤緣延而過其側過磔前後
凡六涉溪水亂石基時急流宗宗然濺濕上面至不得側足立力少懈
苔滑幾蹠人足涉茅五水深廣加前之半冰骨徹髓行者愁戚逮陰山
之麓而坐蹲焉陰山無陽光厓木槁積土石硝發攀琅玕履瓊瑤被珠
璣披戈劒踰一時乃出山半縈長腰而望見有田在前峯之頂予得大
恐俄焉一渡水一捫嶺至田上益峻如蛇升木而昂其首者再乃盡嶺
又如蛇升木而昂首者乃見民居焉時寒沍雪濕路善朋當絕險扶服
一失尺寸卽僵什崖谷挂枯枝裂巨石以死游魂不歸而爲世大僂矣
噫予非有山水之好名利之役而爲此來也以友人鄒元方氏之文素
所願讀而不可得故貿然從之以游于盱孰知是游之樂乃動平生之

恐有不爲樂乎

明龍溪縣志 磁通者有石伏于溪之心若龜焉人以其石磁石也故名在圻城之西南八十里其地罕然若舟之艤于絕巘而其水之會而出也若門焉門之外人可躍而過也自是大牙阨塞水行嵌竇間衝激怒號凡二里復爲平疇凡袤四里匯而爲潭汪洋演迤自高而注下爲瀑其聲四時如雷鳴瀑之下兩崖斬削自是幽深仄黑獸蹄鳥跡之所莫至其上常覆以黑青之雲俗傳其下爲九龍之窟春夏之交白晝晦冥飄雨時至自上世來未有窮其處者如是凡十五六里山始開水始平又凡十里乃達于肝之江故磁龜達肝之路必由它陸蓋避是險也而茲記之所未及者其游自西北而來而其反亦必如之宜不得而記也

龍安自陂下東入其山躡浮雲而上之極十里有群石環會突立石頂有雙瀑淙下有石澗廣六七尋傍無荒茅荏葦之穢而其水無泥沙皆清冷可啜游魚沉泳歷歷可見而水間之石或呀然如

岩或剝然如臼或偃然如槽或落然如孟端正瑩微類非鑄鑿之能及
凡若此行數十步卽至其所謂石籠者籠之狀類巨槽而圍圍斗壁下
澗五丈會一澗之水而環之已卽復泄而爲澗前之岩者槽者孟者又
紛羅錯列亦無苔蘚泥沙之穢焉由此少進而澗下之石乃坦然成盤
縱數十尺盤之中直發小眙廣纔盈咫而一澗之水又悉流于盤之下
其聲瓏瓏若雷窺其底廣深不可窮而水涓涓可愛熙寧九年余在籠
安時與諸生尋泉流而得其處於是樂而忘歸焉夫天作而地藏之以
遺其人者可謂至矣雖然惜其不出於通都大邑之郊而藏乎窮山絕
壑之下而不爲好游而有勢者之所知也使當唐時爲柳宗元李愿等
見之則其爲名也豈特石潭盤谷之比哉

永興縣志卷之四 地理志 南豐縣西南八十里有紫霄觀相傳仙者壺公
於此得道壺公者後漢費長房師事之者也宋嘉定五年冬十月戊寅
盱江張自明與季第自本來游紫霄所謂三岩者蓋下岩中岩背乾戶
而上岩允戶也下岩在山半屋三分一在岩中屋頭石壁峻立有竇橫

袁尋丈許中有仙床丹匣及蛻骨或者壺公之遺耶觀旁老松一株大
三抱夭矯騰上如蒼龍擎雲恐漢時物矣從旁得路迤邐上數百武爲
中岩橫袤不十尋然益怪奇清遠疑壺公得道處也又從旁得路數百
武爲上岩則山之巔矣山益高勢益峻不可得棲止及山之巔肆遠望
焉則軍峯插天如玉笋出其右盱江瀉漢如玉繩維其左金嶺鷹石朋
從交列如屏帟遮其前而其後則山驅羊而隨之水束帶而歸之無數
也大抵茲山如麒麟獅象委身昂頭橫踞霄漢不可迫視四圍群山近
環之禽伏獸拱不可枚數山皆蒼石青崖如削如鑄不可形狀小溪貫
注其中如蛇纏練繞首不知來尾不知去遡遊二三里許兩岸皆峭壁
岩竇峙刻上頭青露天一線下皆澄潭百丈岩上仙棺棋局歷歷可辯
數然四壁峻絕梯磴縷梁無所於施人跡不可登到大江以南一勝處
也

漢唐真卿筆蓋山仙橋觀記粵惟江南之地佳麗垂名山嶽之間先有

仙洞予抵膺聖澤廉察臨川一日按地圖得屬邑崇仁縣華蓋山有王

郭二真君壇存焉欣觀異事未原其始他日公餘因令軍將往山下訪求碑銘果得一石記乃隋開皇五年焚修道士李子真於壞碑上再錄出其文則知王郭二真君仙不顯名王則方平之從姪郭仙王之親弟也始於金華山修道以圖輕舉尋游洞府自玉笥將之麻姑洞中道經一山問鄉故老曰此為何山對曰巴陵華蓋山也二真君相與言曰此山福地名亦異焉因求卜止鍊神丹山下父老詰而再拜曰敢問真人之名字曰吾等修志於虛無不欲述焉後有一道士來謁敢問真人之師曰吾師浮丘先生先生則上界大仙也頃於金華山遇焉二真君能走石飛符興雲致雨或人有疾若暴患往而告者卽飛符以救之歲值大旱致霖雨以濟之至晉元康二年二月一日綵雲連盡仙樂喧空二真君乃乘鸞跨鶴冉冉上昇今上昇之壇及浮丘先生之壇存焉其後立觀焚修境邑將軍若詣壇而禱則隨機而感應故事昭然仙蹤儼若雖遺史籍安民聲華鸞鶴對飛共作壺中之客林巒疊秀長含象外之春因與府官議崇觀宇永列焚修尋差軍將以公用錢詣山換殿宇門

廊不日而回云功畢矣予德慚好道任忝分符原始要終罕測昇天之
日摘文染翰用昭千古之芳銘曰玄牝之門存心養神學則彼衆得者
幾人冉冉千古堂二真并成岩谷道應穹曼綵雲色煥仙樂聲勻遲
日初麗桃花正新驂鸞拔俗駕鶴超雲言歸紫府笑別芳晨山存華蓋
長含異春恩流豐澤用濟蒸民浮雲勢速好月生頻儼然聖址永播清
芬

宋王安石游褒禪山記褒禪山亦謂之華山唐浮圖慧褒始舍於其址
而卒塋之以故其後名之曰褒禪今所謂慧空禪院者褒之廬冢也距
其院東五里所謂華山洞者以其乃華山之陽名之也距洞百餘步有
碑仆道其文漫滅獨其爲文猶可識曰花山今言華如華實之華者蓋
音謬也其下平曠有泉側出而記遊者甚衆所謂前洞也由山以上五
六里有穴窈然入之甚寒問其深則雖好遊者不能窮也謂之後洞余
與四人擁火以入之愈深其進愈難而其見愈奇有怠而欲出者曰
不出火且盡遂與之俱出蓋予所至比好遊者尙不能十一然視其左

右來而記之者已少蓋其入又深則其至又加少矣方是時予之力尚足以入火尚足以明也既其出則或咎其欲出者而予亦悔其隨之而不得極夫遊之樂也於是予有歎焉古人之觀於天地山川草木蟲魚鳥獸徃徃有得以其求思之深而無不在也夫夷以近則遊者衆險以遠則至者少而世之奇偉瑰怪非常之觀常在於險遠而人之所罕至焉故非有志者不能至也有至矣不隨以止也然力不足者亦不能至也有志復有力而又不隨以怠於幽暗昏惑而無物以相之亦不能至也然力足以至焉於人爲可譏而在已爲有悔盡吾志也而不能至者可以無悔矣其孰能譏之乎此予之所得也余於仆碑又以悲乎古書之不存後世之謬其傳而莫能名者何可勝道也哉

魯迅 元祐三年歲癸卯八月甲寅游三清山出門遇雨宿大乘寺明日晴過芹源又明日至金砂靈濟廟叩水玉洞道緣石草布其上有水溢出行里許大石斜覆若屋曰龍門匍匐而過又數十步至洞口洞前有石與洞口平立其上石壁如削寒氣逼人飛瀑直瀉入洞底深

不可測是日宿廟中又明日登山步長路峻五六里至馬鞍灣路忽下
裊如入井以手按前行人肩後行人挽其裾懼其翻於前也稍平有林
自此路直上如登梯以帛繫前行人腰兩手拽帛前行人步亦步既至
以爲在絕頂也路又下凡二升降至銀觥石下仰望石與雲齊度風門
又二升降至結鬚岩岩上有巨石橫亘路在其下相傳李尚書結鬚而
度故名又二升降至神仙洞有石可登登其上望怪石羅列如二人奕
如一人試坐如鎗如旗如蓮花者三如浴盤如僧如道士如將軍如人
所疊橫五縱四如人飯列碗于前過此又三升降至羅漢洞石如補陀
岩觀音中坐如龜如龍如磨如燭檠如人以手指天又二升降三石齊
立若排又一石若屏始至山頂凡二十五里稍下得平地寬可八九畝
有老屋其上作三清觀有石刻三清石仙君葛仙翁李尚書金童玉女
及潘元帥像明日謁神刻姓名香爐石上白霧下山再三乞晴于神須
臾霧捲日出登香爐石上望丫岩山見石仙君仙人橋鐵爐如石上生
成尚書所鑄也卓旗石有窾圓深旗竿所立也雷公石判官石幞頭石

刀刀石帽石西望彭蠡饒信東望衡嚴隱隱在雲霧中萬山盡在脚下
高低重疊不知其限遂回大畧上時路之升者十之八降者十之二下
時升者十之二降者十之八石壁直下無路架木以度者十許處凡人
履峻崖則望懸足掉余所登處危險甚而望不懸足不掉者草樹蒙密
蔽之也自此而上又二十五里始及其巔峻絕而不可登者李公丹爐
在觀上六七里山之下水西出則入於江東出則入於淝蓋江淝山水
宗也宜其高峻奇峭爲仙靈之窟宅哉

宋洪範游信州岩洞記

山有穴曰岫信之山大抵皆岫也出葛溪門二

十五里西游至月岩自石梁望之正如半月形空洞通達大樹中生又
如月之影也穿岩脇登石磴傍山繚西而北轉有大山前後有口耕者
或聞穴中笙簫輪敲音由山後口別過一大山其底洞透遂俛首而過
旣出穴循山行又數百步至一山崦仰視有大棺閣岩中上爲鹿頂狀
自下望之目可觀足不可到鄉民壇其下以禱雨焉又循山行深入一
源路窮處得幽岩余所名也岩有泉溜泠泠然出山循道行二里許隔

大田望遠岩極峻上又有棺正猶人間所用匣也又二里至雲洞山形
截然如城世謂之仙人城相傳仙人蛻骨葬於此有三棺或壞因大風
雨雷電則復如初復出大道十里稍南至靈石吳赤烏中開山浮屠導
余登黃閣余以朝陽名之又五里至大窟岩梁大同中開山有鶴嘶木
石出錢水漂木之異自黃藤五里至丫頭岩若側大甕然山形岐頭也
又南行三十三里而近至黃岩石壁黃赤色自汭口望之有大山截然
向水者章岩也自弋絕水行五里至雙岩又五里至南岩君最大傍有
響石人呼其下其上岑應唐開成大和中所題名具存又十五里至
吉岩距寶峯鎮七里自寶峯鎮東行至黎家步得獅子岩僧居口中未
至靈石又得月岩在水之南山頂正平如城如直渡至招真觀
得仙岩正在三山下昔有居此者成仙去三岩相屬有會昌中唐人題
名形如碧碑也岩下有石色正碧俗號天井歲旱則郡縣取水求雨輒
應會欲遊不果自永豐縣三十五里靈鷲院得光相洞亦岩也入洞行
百餘步穴塞不可進相傳舊兩浮屠同入洞中一人不復出云出沙溪

有堞面其前則巒巒復疊蟬聯星錯巖巖疑更相朝捧其將至也四
視環合若無從而造焉旣而紫崖縹岫斗折以入至則豁然不與世接
如遊化城眺壺中乃嚮之所陳者又未之異也予絕好山水者與其徒
支策騁足快意疾遊躡其高以察其大披其幽以擇其勝始則目怡中
而神釋終乃蹶然悟冲然樂泊然其中志與道會心之塵屑體之拘攣
至是蕩然無留者矣石之異形厥有千萬或牙或爪或屬或倚呀然而
怒俯然而踞獸視欲搏鳥斂將翥管皇隕墜不周折落海恠間見戎帳
叢置可得而睨不得而形且高有石橋卑有石床竇谷之雲欲變異色
杉松之風脫無俗聲一日之內一山之中而景物相勝應接不暇居山
之人爲予說此山之峯幾百其數得其名者三十有二或得之往記取
之狀類皆笋植芴立極於峻拔猱雖青綠無得至也噫幽勝之最曷爲
其然哉豈融結之始造物者有意如此耶不然何奇詭之多也噫使秦
帝揮鞭巨靈薦掌五丁逞力選諸奇恠何以追此

宋國公山陽縣志題壁木在龍氏金先填於亢著雅沿灘月望東壁

時雨新霽西風增涼閒雲未歸悠然垂陰黍粒登場稻花盈畝粟繁
然桑麻沃然象山翁觀瀑半山登舟水南宿上清信龍虎次于新興宛
仙岩之勝石瀨激雪澄潭清藍鸞翹鳬飛恍若圖畫疎松翠篠蒼苔茂
草之間石諫皇黃公燈舒紅被岩緣坡爛若錦綉輕舟帆檣嘯歌相聞
聚如魚鱗列如雁行至其尋幽探奇更泊互進迭爲後先有若偶然而
相後老者蒼顏皓髯語高領深少者整襟肅容視微聽冲莫不各適其
適余亦不知夫小大粗精剛柔緩急之不齊也乃俾猶子謙之撫之于
持之分書同游者七十有八人邑姓名字于左方

明倫彙編

余嘗經道信州愛其山水奇秀趣行帳不遂結纜登

延又思此山有龍虎山世居張天師自漢迄今播靈承秩數千年勿替
引之與交孔氏對意其間滋多融結未繇躡躡一臨賞暇則搜帙得李
仁龍虎山志爲之擇列千篇時覽觀之以當卧游云山東距信二百里
西距饒三百里繇建寧山發脉而導水自邵武爲天下福地祖天師於
此煉丹青龍白虎盤旋左右因以名山卽上清宮也而信州圖志云山

在上清宮二十里仙岩之上則古今易地也臺殿承累朝錫額御書宋理宗居多其金碧琉璃與岩潭相輝映不可殫紀宮西演法觀壇側有壁魯洞濶二十餘丈中復有洞甚幽乃祖天師於此得神虎異書按仙傳真人劉根字君安身不衣綠毛生二三尺漢成帝時遇太乙玉女授張侯魏三使者秘文藏洞中銘曰天一北祚神虎書太乙紫文玉章符北甦玄範在龍虎得者當尋西壁魯觀後水簾洞岩有祖天師煉丹爐其濯丹池萃日月交光之氣水自岩數百尺噴灑若珠簾玉箔人嘯泉下則水辟易其處久之復故宋祥符中中官領醮者層架抵岩得遺丹進上服之病愈明永樂間中官來醮仍構梯取遺丹岩上以進亦効宮東二十里曰象山屹嶮峻拔又名應天山頂乃平園池俱備宋陸子靜讀書其中學者稱象山先生十八代天師居此四十年人以山多虎鮮至者惟三元日師乃下山授籙每風雨中常見師乘黑虎往來諸峯間宮東曰藐姑山藐姑居山修仙其弟來尋姑故倒移步若下山然而卒不往則又呼摸空山居民結菴後峯歲旱率童女績麻設齋以祀卽雨

山有石如坐人稱白石夫人膏疫祈嗣者多應疑卽姑藐也姑藐對峙
曰雲臺山唐葉天師鍊丹處又於連峯上開湖因名塵湖山東南有龍
鬚井十一代天師嘗於井上吹鐵笛聲聞數里宮南聖井山有龍潛焉
投之金銀輒浮以楮幣則竟入苟不虔亦旋出不內或出數百年物以
荅人水黥黑產異魚四足而鱗鬣禱者迎以歸雨隨至已乃送魚還井
以爲常昔有郭巫者祈雨悞墮所吹白牛角井中卽投身取之忽見一
翁坐高殿侍御森肅所墮角植牖上巫向取之翁曰水旱天數也非吾
所得顯小民不修省回天顧晝夜環井喧角何也巫謝不敢復相聒於
是得角還而衣不濡後旱巫不戒復墜角巫玩井沒入求之踰三日浮
屍潭面僵坐不仆托夢里人曰予郭巫也向再入井龍怒閉不出乃命
掌是祠卓屍見異里中爲建祠禱輒應宋理宗勅三十五代天師檄井
龍霖雨隨降因封廣潤侯理宗多御書以此又近井曰白水金谿中宮
寺僧劉氏能參龍招隣涂公者詣山井入焉而令涂公捉鞋以俟越三
日僧從白水井歸尋涂公尚立井傍泣下問曰齋乎不應則命祭以白

鷄鳴因名徐公井後旱禱二井例用白雞鳴云永樂間內臣楊集者請
謁龍見於井嘉靖戊戌有獻果禱者乃出布巾裹飯以報不獨聖井之
能出物也宮南十里曰大夫山張文簡公宅面焉每張氏受一官輒山
墜一石官大小墜石亦因之異哉宮東南六十里曰鬼谷山天下第十
六貴玄思真洞天上有蘇秦臺張儀井或傳鬼谷王訓於此修道儀秦
來受學焉又有孫臏寨龐公港又有鬼谷洞黝黑秉炬入中可容十許
人內小石洞逼隘昔官醮投之金簡一幼童倒身入漸進見人物室廡
一如人世久之出扶風間尋歸路則去故鄉數百年矣三十里曰逍遙
峯許真君祠當石壁間彷彿如人印掌懸視掌痕溫其如玉宮前二十
里曰仙岩祖天師始至信仰闕俯闕窮極目力窅乎不可及遂於此煉
丹下有棋盤石居水中如砥平可坐眺壁有大書仙岩二字岩上有仙
人圖寺石山森布一峯中高曰天竺又有岩曰白華陡絕如削下臨不
測宋熙寧間寶月禪師自蒲城來緣峭壁抵白華人跡往視之見師燕
坐岩中自是遂通往來洞開二十四岩各具器物泛舟仰眺歷歷如新

陰陽之鑄冶神鬼之造構夫亦勞矣若三人並立持論者爲三教岩若一人俯溪以觀者爲觀水岩中設棋枰若二人對奕者爲奕棋岩張機欲織或空倚枰軸者爲機枰岩枰臼宛置者爲枰臼岩如屐一輞者爲木屐岩構架駢列染色猶有存者爲染具岩中安石磨磨傍置藥羅者爲藥羅岩若泥成竈有水淋火煨之色者爲丹竈岩中貯甕橫欹不動者爲酒甕岩中橫一棺者爲仙棺岩雜列鐵器泥爐側者爲鐵爐岩累木料而傍積白泥者爲泥料岩中橫一舟者爲仙船岩石榻設而白雲常覆者爲仙牀岩若重樓複閣者爲棲真岩兩柱間一櫪若將抹馬者爲馬廐岩張架若鷹矢積者爲鷹架岩後覩中伏者爲獅子岩若卧犬羊者爲仙犬岩爲仙羊岩昔人浮舟游聞樂聲要妙出自岩中者爲仙樂岩各有倉倉有門新舊開闔農家取以占歲者凡三所爲仙倉岩一木出尺餘繫汲器時斜閣木上時收入無定洪武間武士來游者援弓射之木乃縮今猶見其半者爲轆轤岩仙岩北有桃源觀揭水由石峽入里許地夷曠膏沃石嶺蔽之始道人誅茅以居地多猿猴嘗採果以

獻後人建宇耕桑恍如隔世岩北復有鍾鼓岩中有竅透東可出昔有
冥修者石曰出米石盞出油石鍾鼓擊之各應鳴道人欲開曰鑿蓋以
希餘積由是鍾鼓絕響油米不復出矣仙岩下五里有馬祖岩巨石爲
門緣石級入岩置屋石隙一小房中通天光一線夏涼冬溫佳景也馬
祖禪師於此銷蕩群魔宮南有張公洞洞有井三十四代天師戲擲葉
井中老人從井出跪請戒之母暴作旱澇乃去宮西里許有浴仙池虛
靖真人嘗沐其中浴罷出坐蓮葉上宮東有佛井佛坐其上一枇杷樹
偃蹇如龍覆之此蓋繫故實選列者而山川瓌恠不與焉未詣也夫嶽
瀆浩漾奇崛出靈應以庇物廟食與天地同終始乃若生人榮寵卽帝
王握曆亦應運而興闕若是山數百里內岩潭之所湊仙恠之所都出
雲雨振急難以能長發其祥千百祀磐石張氏之宗謂不是賴邪

宋陸九淵先生公論象山書

此山極高其勢南來折而東又折而南鉅

陵特起屹然如象故名象山山間自爲原塢良田清池無異平野比來
結廬相從者甚衆但可耕治之田特少精舍前兩山廻合環如肘臂

附

田亦不下百畝兩腋間有二池東曰濯纓西曰浸月一家結廬於東塢之上比精舍地爲少高茲山常出雲雲常在其高處出故名以儲雲一家結廬於前山之右石澗飛瀑紫帶其側因名以佩玉其蕙林瓊芳愈高披荆則皆因山中之佳美地勢之高下以名之相繼而來結廬者未已未及名也精舍簷間層巒疊嶂奔騰飛動近者數十里遠者數百里爭競奇秀一峰特出天表端聳于前銳秀如筆爲諸峰之領袖者則雲臺也朝陽麗景明若圖畫暮燒聯光爛若綺綉雨暘雲煙出沒之變不可名模東山之崖有繡經石西山之崖有歇石皆蒼松蟠覆其上其下壁立萬仞山之陰者有塵湖山其巔天成一池泓然如鑑可以結廬北峰之高如蓋可以登望南望羣山益遠溪谷原野畢露東望靈山特起凌霄端方靡制吳越所未有也下見龜峰昂首穹背形狀逼真玉山之水蓋四百里出於龜峰之下畧貴溪以經茲山之崖西望藐姑石敲琵琶諸峰嶒嶸逼人從天而下溪之源於光澤者紫紆泓澄間見山麓如青玉版北視龍虎仙巖臺山僅如培塿東西二溪窈窕如帶然地勢夷

流泉有餘潭西有半山礫潭不下玉淵半山可亞卧龍前兩山廻合之
處又自爲一澗垂注數里激射噴薄飛洒映帶於茂林之間春夏流壯
勢如奔雷其瀑因石賦形一曰風練二曰噴玉三曰翻濤四曰漱珠五
曰水簾六曰雙練七曰沸銀八曰飛雪木石自爲階梯可沿以觀兩崖
有蟠松恠石却畧偃蹇隱見於林杪時相管領雖盛夏不知有暑挾冊
其間令人忘歸雲山泉石之奇殆吾人平生所鮮見終焉之計於此決
矣

宋陸游過象山叙

鄉人彭世昌得一山在信之西境距敝廬兩舍而近

實龍虎山之宗巨陵特起屹然如象名曰象山山間自爲原塢良田清
池無異平野山澗合爲瀑流垂至數里兩崖有蟠松恠石却畧偃蹇中
爲茂林瓊瑤冰雪傾倒激射飛灑映帶於其間春夏流壯勢如奔雷木
石自爲階梯可沿以觀佳處以玉淵卧龍未易優劣往歲彭子結一廬
以相延其亦自爲精舍於其側春間携一姪二息讀書其上又得勝處

爲方丈以居前挹閭山奇峰萬疊後帶二溪下赴彭蠡學子亦稍稍結
茅其傍相從講習此理爲之日明舞雩詠歸千載同樂某昔年兩得侍
教康廬之集加欵於鵠湖然猶莽鹵淺陋未能成章無以相發甚自愧
也比日少進甚思一侍函丈當有啓助以卒餘教尚此未能登高臨流
每用悵惘

明羅洪先夏游龍虎山記余歸田之六年得石蓮洞於敝廬之北自是
頓息山水之興又明年爲戊申友人王龍溪期會匡廬天池是時五月
暑氣初熾友人諷曰康節四不出游聞乎予曰聞之然予非好游也二
十六日登舟晚泊玉峽徵君樓其下卽徵君蕭雲丘故居蕭以布衣受
知當道王三原折節下之往復論學其事功可稱良有以也二十九日
宿河泊所期挾醫以行三十日泊石頭口將泛彭蠡入南康明日醫來
云龍溪昨暮南上矣遂乘艇子泝流至豐城追及之同舟爲錢緒山貢
玄畧王濟甫初四日出天王寺登舟宿清江初六日至玉峽邑令成井
居以錢王同門邀會後山寺初七日自玉峽趨石蓮酷暑中入石室毛

骨洒洒不禁偃伏懷濂閩下余以近學相質且述逃世之樂龍溪曰吾
儒之學本以經世此心與物相爲流通人有弗善不能委曲成就卽於
已心有碍故比身與物拆離不得見稍有偏便落無情此二氏見解
吾儒之所不道者因指洞石笑曰若與物無干只如此石奇則奇矣何
補於有無哉予詰曰酷暑得之何謂無補龍溪笑曰終是受用不久矣
又明日緒山題石而出弔周七泉諸君別如安成二十五日會于青原
四方及同郡之士先後至者百六十人七月二十三日解會龍溪與貢
王二君先歸邀予同擇龍虎山中爲江浙會所遂與周柳渠王有訓發
桐江八月二日復過龍溪市汭明日將至南昌龍溪入城別浮峰余與
貢王避處王清宮靜鶴樓初五日先發窰頭候龍溪來晚泊八角樓次
日午過趙家滙登舟尾望彭蠡宿瑞虹初七日午至龍窟初九日早食
至營潭始知安仁下八里舟趨潭步泝溪入可盡龍虎下流之勝已不
可返乃陸行五十里許遙見遠勢若青雲乘風驚旋不定之態問之輿
人答曰此仙巖諸山也令人神爽飛動自是沿途流視如墻壁四立馬

牛奔風者不可勝數約四十里過郭家渡暫休仙巖寺中食罷出江上乘小艇沿洞觀之臨溪數山上偃下網如龍鍾老人僂僂附物而行又如蒼蚪夭矯擎空上騰溪轉開石巖穴錯出從行童子呼曰石上那得有懸棺乎余以爲石勢類爾則又徧指爐灶罌餅門闕倉櫃誰啖訖余亦眩惑斜倚艇中倒觀之復艤棹登坡陀望巖中器物皆石不謬土人以爲飛仙故宅余見石山多外竅而中空豈避難者從中拾級據高臨險久而堙其穴入處耶會雷雨至風迫水游棹顛甚似山靈忌人猜疑者促冒雨返寺山中壁板有張卽之書遒勁可愛明晨雨止欲登上巖寺與人給以徑滑不可行遂循石麓穿雲行二十里至真人府府臨溪溪南有山如九陽中西山盤旋勢不險迫風氣秀敞前所見奇詭峭厲者在其下流形處咸以爲善而上清宮在其左五里許往聞府中有裴道人問之門者因導以入道人年六十獨處西院一室被褐稿面而舉踵見諸君入冷笑呵呵顧其室敞席塵几蕭然無繫余與諸君分坐地上道人倚樹斜立嚙嚙多不曉了有頃自言曰夏桂洲也不久了

則又怒目向空嚙嚙不休有頃拱手肅行余復就問曰竟無言耶道人
呵呵曰世界儘寬正好游一笑而別其神氣頗閒靜蓋已知醒心者自
余見方外人當在衡僧楚石之上是時夏末被刑而云云者猶嵩山王
董故事也午後息上清宮精思院之虛軒晚游鶴歸亭亭爲張虛靜煉
丹處其庵猶存張氏冲舉者二人虛靜其一也已而登吳天閣真風寥
陽二殿十一日午後晚眺福地樓入碑亭觀松雪虞揭諸公手書宮中
道侶千餘人多以符籙取給四方相傳道陵所遺劔印猶存凡方士挾
術至者真人必館穀之以羽翼其教此外無他奇也十二日聞冲玄幽
阻同諸君往雨下如注入門深林樓閣水聲淅淅登愛山樓蒼青四塞
迥異人世心頗悅之遂題樓壁云嘉靖戊申中秋山陰王畿宣城貢安
國王汝舟新金吳達吉州羅洪先王託洪都王緝安仁桂軌同游仙巖
入龍虎山冒雨過冲玄觀登愛山樓憑欄四顧萬木蕭森感年華之不
留慨朋簪之難肅日者青原之會終山錢德洪晴川劉魁東郭鄒守益
獅泉劉邦采請諸君子相期選勝名山論心晏歲偶逢茲境良副夙懷

且楚越道理適均而朱陸異同可合鵝湖地近求再續於荒盟刻曲舟
來永言歸於新好共勤遠志無負斯文題罷雨止返宮十三日衝雨出
山薄暮至貴溪與龍溪酌別余與柳渠汝敬有訓乘小艇西歸夜宿浮
石寺下十五日暮至瑞虹始附商舟雨霽月出湖光潋灩碎金滿目欲
持盃賞之求酤不得飲水清歌而寐十九日午至桐江柳渠與予分歸
有訓乘舟返泰和明年九月東郭諸君將赴約予以事不果行又明年
春壽東郭出會語一冊相示笑曰冲玄之壁龍蛇縱橫而足跡不至諸
君有舉火戲諸侯之謂子可無一言以相報乎時應酬紛拏未有以應
唐寶曆間張圓諂譖玉山與天際勢聯北斗又名玉斗山循山之麓
升降凡十有五里至大洋坂地寬曠約數百畝而奇峰秀嶺恠石深池
環列于前後左右真仙靈之窟宅也山有龍潭一十八磑又有二十四
奇曰玉瑯峰銀尖峰七盤峰獅子峰石牛峰雲蓋峰蟠龍峰金雞墩洗
墨池望香墩九蓮池天門峰飛泉峰屏風峰誓坡石浴佛池彩霞巖過
雲洞連理木天聖松金剛嶺石鼓山羅漢峰志初巖真一邑勝槩之尤

者也故縣亦由此名

潭石居弋陽上游建邑治十里許其源東出鉛山分水北出玉山鎮頭演迤下流數百里至是合之濠瀝而爲重潭潭之中多異石故曰潭石或曰清潭白石環列東西故揭而表之有山嶠然以起隤然以止石林峯巒翻翻然若彩鷺之欲翥而環伏者名鸞環石石有平臺可坐十數人又有石崖峰高出天半憑立四望則靈鷲山諸峰近迥眉睫橫峰楮亭待賓瑄山皆爭奇獻秀以趨膝下而龜峰三十二峰可坐數之緣山足南去支爲二若正副之相環護舊曰大塢山今名來龍來龍之陽廣袤可一里吾黃氏世居之稍東帶以茂林清池而潭石書院在焉環書院之東曰新嶺少西有峰特起高百許丈秀色可挹名文筆峰此乃鸞環之東來者也其西北去山之肘腋有空谷谷口有清池池之東南有石崇而長者名長石南之而西有石奇峭削出高數十丈儼類人之秉圭捧璧故曰壁石其勢與文筆東西相峙列此皆鸞環西來之支也直前有二小山生田阪中東曰翠屏西曰楓林相拱揖丹

翠掩映若圖畫然其水之發自鸞環者皆南趨稍雨輒流溢或注而潤或滯而沼曰藻塘曰七珠塘東去半里所爲大塘山其中有禱雨壇西有大深塘諸山周遭可百里許南越爐灰塘西去二里所密障疊疊若望文筆以超附焉其山椒有盤石舊有亭曰覽勝過坂有山巋然高聳帶以林麓草樹依稀絕類馬之披鞍曰馬鞍山其東去約五里所有巖潭東西二山相連接蜿蜒磅礴若斷復續而不見其窮也自馬山西南出望石塢山牛嵐岡皆穹隆高出沿河諸山南去有黃老陂陂北岸有黃岡山重巒複岫夾以大溪若相擁從以拱北然其岸傍有亭名濯纓又西行二里所爲龍窟世傳有龍居之直南有石灘每秋冬潦盡水流激石琅琅有聲與江風相答響夜靜聞十數里聽之令人心爽神清也灘北岸有觀瀾亭亭北有石橋跨曲澗曰折桂旣渡橋北去過平原有山盤盤高峙西北曰大源山又去西北約五十步有仙人石石北有黃公山山上有石峯斬然高絕名爲圓石其勢與仙人石相雄視其原隰田澗之水則各順其地勢高下而趨會於滄浪澗其流亦不常遇暴雨

輒洋溢稍旱則易涸惟春夏間或滯或漲或漚而淵或激而波滔滔焉
若束帶之環抱於前也此皆溪山名勝有可述者

其狀特異問之曰梅巖也行數里巖漸近縣令鄒泰請往觀之遂至山
下數奇石離立輿從石中上入洞門門闊十餘丈釋輿而步秉炬前導
稍曲而左窿然如入室焉當承宇處石有如筍者如箇者如珊瑚琅玕
者纍纍下懸如將墜然下近壁處有石鱗鱗區分級列如或疆之號仙
人田又右而行又如一室室之頂垂石折盤如龍蛟之耳中一竅水滴
注當注處石承之圓如井闢崇如柱礎中一竅與上竅對水滿則溢又
右折而行地漸高有石如舟者在左如棋者在右地漸寬平如階以升
其上蓋揭鍾懸益宏而虛如亭之狀左右穴各一天光照焉出之則山
顛也

發豫章下流略鄒陽之封據彭蠡上游距落星
灣輿行一舍舟行百里有大聚落是爲古之鄒陽今爲都昌縣治所山

悠而水遠能陰而善晴升南山而望之如李成范寬得意圖畫蓋南山之於都昌如娟秀人直其眉目清明處也其東則謝康樂繡經臺其西則石壁精舍見於康樂之詩石壁之灣洄古木惟石又陶桓公之釣臺也野老巖之下盤桓爲隈隩其土泉甘而繁松竹曰清隱寺者唐恭陵皇帝所賜名也其後縣令陳杲用咸通敕書改築於南山之陽自爾餘百年閱廢興多矣守者非其人至無用芟風雨以食熙寧甲寅令王師孟初得廬山僧建隆主之遂爲南山清隱禪院乙卯丙辰建隆卒長老惟湜自廬山來百事權輿願力成就而僧太琦實爲之股肱於今八年宮殿崇成凡所以安衆作佛事者靡不斬新松竹欣欣安樂雨露而無芥斤引高泉以致日用器械奇巧如人血脉周流於百體也陰房鮮壁戶牖通達昔者蝨蛇之寢處虎豹之燕居無不翫築丹堊糞其寬衍以爲園蔬老者有所休壯者有所游少欲而常足無聚祿而望人之福余得意於山川以來墮食南北二十年矣未嘗不愛樂此山之美故嘉歎清隱之心賞風月而同歸清隱曰吾與子同與不同付與五湖雲水惟

是艱難以至燕樂強爲我記之

卷之四

鄱陽山水名天下而龍停谿最勝介於德興餘干二

邑之間衆山面內環擁林立層巒疊嶂煙雲相連蒼藤翠木蒙絡搖綴如坐九疊舛如行五十里錦步障而大谿橫其前衆水入焉旁有湧泉盆溢四出高有懸壺深瀉而下奔雲濺雪雷輾電散跳波急湍千態萬狀既停既平循山而行大者渚爲湖小者聚爲潭井如曳練如卧白虹沉沉無聲蓋水之變而魏公彥成築一第其上爲門爲堂周以兩廡閣以望輿曠宜有高明朗徹之觀室以處與與宜極窮幽深之趣左修梧右叢桂藏書之府會官之館供佛奉道各有攸處然後跨兩崖爲閣道於重門內以便往來開雲窗抗水榭直欄橫檻朱甍素脊高者出林杪下者附山趾花竹映帶隱見明滅室之若化城然每遇勝日或命車或杖策披風松下待月竹間觀瀾石上行吟坐嘯縱意所如鳥獸蟲魚之游遊舉熙熙然相忘於物之外雖桃源之勝不過也於是彥成以書來告曰吾觀王公貴人猷軒冕之樂一朝情然思欲振纓上之塵於清

泉白石之間而不得去則盡寒林雪竹黃蘆睡鴨於團扇曲屏以供耳目之玩而寄意焉今吾十一區獲此奇勝幸爲我識之乃爲之記

大邑縣志 臨川之城東有地隱然而高以臨于溪曰新城新城之上有一池窪然而方以長曰王羲之墨池者荀伯子臨川記云也羲之嘗慕張芝臨池學書池水盡黑此爲其故跡豈信然邪方羲之之不可強以仕而嘗極東方出滄海以娛其意於山水之間豈其徜徉肆恣而又嘗自休於此耶羲之之書晚乃善則其所能蓋亦以精力自致者非天成也然後世未有能及者豈其學不如彼邪則學固豈可以少哉况欲深造道德者邪墨池之上今爲州學舍學教授王君盛恐其不章也書晉王右軍墨池之六字於楹間以揭之

宋曾鞏 尚書司門員外郎晉國裴君治撫州之二年因城之東隅作臺以游而命之曰擬岷臺謂其山谿之形擬乎岷山也數與其屬與州之寄客者游而間偶求記於滁州之東其城因大丘其隍因大谿其隅因客土以出谿上其外連山高陵野林荒墟遠近高下壯大閼

廓恠奇可喜之觀環撫之東南者可坐而見也然而雨驟潦敗蓋藏棄
委於榛藂芴草之間未有卽而愛之者也若得之而喜增甃與土易其
破缺去榛與草發其元莢綠其橫檻覆以高甍因而爲臺以脫埃氛絕
煩囂出雲氣而臨風雨然後溪之平沙漫流微風遠嚮與夫浪波洶湧
破山拔木之奔放高桅動艣沙禽水獸下上而沉浮者皆出覆舄之下
山之蒼顏秀壁巔崖拔出挾光景而薄星辰至於平岡長陸虎豹踞而
龍蛇走與荒蹊聚落樹陰晦暖遊人行旅隱見而繼續者皆出衽席之
內若夫雲煙開歛日光出沒四時朝暮雨暘明晦變化之不同則雖覽
之不厭而雖有智者亦不能窮其狀也或飲者淋漓歌者激烈或覩觀
微步旁皇徙倚則得於耳目與得之於身心者雖所寓之樂有殊而亦
各適其適也君旣因其土俗而貽簡靜得以休其暇日而寓其樂於此
州人士女樂其安且治而又得游觀之美亦將同其樂也故予爲之記

王希心所撰有景記

上清程外史卽其宮東偏青雲墩之麓作亭焉

初雲屋陳君嘗建山居其所久而以菑廢希石黃君繼卽其所作懷雲

山居士辰兵燹復廢不存外史之亭所爲作也亭凡三楹間高可數仞
巖石爲址崇亢而疏敞遙對塵湖琵琶聖井諸峰層巒疊嶂如翠屏排
空杳在天半藐姑象山隱如隆如出其東瓊林仙巖或起或伏列其右
羣山秀色可攬而致也前臨大溪縈紆如帶而俯瞰瓊臺琳館浮丹湧
碧掩映於林霏蒼莽間亭之四周大抵長松修竹蒼凝翠結錯雜相蔽
虧林飈徐興振發天籟而玄猿白鶴清響互應游其間者疑爲真神仙
境非復人間世也

明羅汝芳從姑山前峯書屋記從姑山在肝江之南最稱名勝根盤土
阜標聳巨石望之若屏豎几席儼足起敬至其下則穹窿爲懸巖巖前
覆可竟畝風雨所不能及僧舊結屋爲寺寺極壯麗飛甍迴檻延緣巖
下幾徧故其時遊觀之士輒停憩寺中間一二探奇者亦東至秋澤洞
南底紫虛巖北望一線天而止其巖上諸峯則峭壁蒼莽莫復知所從
入先考前峰府君以山去家里許自幼讀書其中得之故老相傳有方
士綠崖其上艱險千狀自是鮮至之者歲甲午寺災僧各四去前址鞠

爲荒墟既十有餘禩庚戌夏府君携芳步自山麓時寺宇既燬巖洞廓
如其上之奇峰危磴皆可歷歷指數且獲聞昔時方士綠岸之狀不覺
神興飛動遂命童僕披闢荊荆引縷巖端且上且憩于是取徑從秋澤
洞而西至一線天峽中出峽綠石磴屈曲而升至天柱峰山頂蓋峽之
東峰也其西則聳絕難至乃踰峽爲橋以至復從天柱峰而下其東北
則王屏峰賓泉洞獅子巖迴廊石蓮花厓雙耳峰諸勝其西南則雲芝
峰依雲石步磴石棋盤石紫玉園諸勝窮探極覽凡前所望而莫可即
者皆玲瓏中通天竅旁遶先君喜動顏色太慰生平乃徐徐招集舊僧
即故址葺長春閣以安龍像旁列數椽以舍緇流仍依巖下泉池結茅
爲小齋歲時伏臘常携諸子姓棲息其中結里之耆舊十數輩爲詩社
清齋宴坐外事了無相涉獨絃誦之聲時時溢於戶外今先君已矣不
肖恐無以承先德乃即其泉䟽爲方池題泉曰玉泠池曰浸碧恢廊舊
齋中爲堂扁曰見雪堂前爲閣曰朝陽後爲軒曰潛光軒中有臺曰洗
心臺旁有檻曰綠雪檻上爲冲虛巖爲印空石爲滴翠厓此書屋中大

觀也其左右諸勝亦稍增飾秋澤洞之前爲亭曰振衣後爲樓曰雙玉
一線天峽中扁曰留雲其橋曰凌虛雲芝下亭曰得先王屏南爲闢曰
屏玉洞天賓泉洞架樓曰儀鳳臺曰澄神紫雲巖前爲亭曰廓如步磴
石下爲蟾窟紫石園亭曰坐春長春閣而下爲梧桐岡爲玩易亭館曰
涵春塢曰翠微臨終高下成先府君臨眺之區而與書屋相依並者也
嗚呼茲山之奇肇于開闢然發揮創造實自先府君始謹詳其槩而系
以詩如左

朝陽閣 在見雲堂前半山懸石厓間憑檻曠矚雙河分液閣
南則諸山屏列下則萬木雲叢紫綠披離咸可探摘而高梧數十充近
適詹牙因扁曰朝陽閣詩曰樹閣高閣影萋萋閣外朝陽滿盡題林霽
洞雲光曉映望中真是九苴齊

聚雲堂 緊閣爲堂堂廣可十餘武縱如
之南面有峰曰聚雲在閣前諸峰中尤與堂值即先君所取以爲別號
者也因扁曰見雲詩曰天畔名峰表聚雲仙翁行處更氣通逍遙一夕
飛龍杖雲逐峰嵐萬影紛

潛光閣 堂却覆復數武爲軒軒兩楹間巖光
倒入維客席深幽然蒼碧掩映熙如也因扁曰潛光詩曰仙人當日寄

趺跏夜傍幽巖探月華留得寒光今不散朝朝雲湧萬川霞
軒腋以兩垣垣抵冲虛巖壁左掛千石獨右方在印空中石下檻虛可
丈許上則蒼莽萬結霏紛几席間因扁曰綠雪詩曰巖柯壁蔓密逾封
光嵌虛櫺影萬重客到漫誰題綠雪東風回處更潏潏
軒前稍高竟干冲虛巖巖環若半壁臺心池即所謂浸碧池也先子存
時每移榻就之聽玉泠而卧因卧所扁曰洗心旁爲石二左曰言詩
右曰立禮前止以曲檻存虛位也詩曰詩禮趨承跡未陳洗心何處家
潛神祇應宇宙空澄外箇裏靈涵萬劫春
春閣者最高夷而東巖愈遠自浸碧池望之復昂舉若冲霄然因扁曰
冲虛詩曰仙袂冲虛今幾時空留巖上碧雲垂泠泠不盡泉聲咽似向
春風助客悲
出冲虛巖印空石底竇隙深可尺餘從窺之珠鼎
累下聲又若叩玉然者伏流入浸碧池且甘美雖盛夏不涸因扁曰玉
泠詩曰渤海空涵紫霄漫玉鰲天表躍飛湍當年爲擁麻姑駕帶得波
冷萬古寒
所湫以注玉泠泉者也方丈有奇深半之上覆以石

石鐫浮金浸碧四字因以名池詩曰誰鑿天池傍斗垣瑤光長日湛仙
源雙成音好傳春鳥寄得鯖桃石上食石方廣七尺平覆綠雪
檻上縣自冲虛巖東半四壁孤垂狀類提綬仰者危之影落浸碧池因
扁曰印空詩曰分得昆岡第一標片雲斜掛綠梭翹山靈欲借傳心印
白日空池佛影搖印空石邊比削爲厓冲虛巖上諸溜舉循厓
而下其旁并蔓蒙茸空翠交濕因扁曰滴翠詩曰誰策蒼虬掠海東踏
殘千樹玉梧桐麻姑不敢聞天上翠麗仙飄萬里風